

越國公傳

越國公諱華字英發稷州長史僧瑩公長子也隋開皇九年三月十五夜母鄭氏夢一黃衣年少自天而降曰母恐天錫汝貴子明年正月十八日夜半子時生白氣飄七自口出世居華陽鎮早孤挈歸外氏舅妻常苦之潛去所卧床簀公卧如故舅妻怪而視之有青龍負床由是異焉年十八倜儻有志操美髭髯風神凝峻好習武事以勇俠聞叔父寶歡教以兵法隋大業十一年應新安郡守之募平回王鄉寇有功衆皆附之時煬帝南遊毒虐四海豪傑蜂起如竇建德王世充李密等各據州郡公慨然嘆曰世變如此吾死兵革無憾如百姓何時郡守張貪酷賞罰不公寇盜縱橫民心莫安衆共誅之而境

內無所統屬咸趨公請攝郡事以鎮一方公弗從或曰未宜固拒恐
生他變族類豈自全且朝廷道方梗塞事須朝命孰與須乎公勿違
衆俟賊平請命未晚也公不獲已從之遂攝郡府事搜募壯勇遠近
翕然從之奄有歙宣杭睦婺饒六州之地帶甲十萬威振江淮諸將
請曰今中原紛亂大衆已集不可但以刺史統臨之所謂天與不取
君子所戒宜建王號以鎮之公辭至于再三見衆心不可違也乃齋
戒建吳國稱王號仍奉隋正朔不廢爲政嚴肅賞罰明信士庶咸畏
愛之雖四方大擾六州境內賴以安全者幾十年旣而唐高祖已受
隋禪秦王出師義聲昭布曰日月出矣版圖宜有所歸乃籍土地民
兵遺族子海寧令通奉表于唐高祖嘉其忠義詔曰門下注某往因

離亂保據州鄉鎮靜一方以待寧晏識機慕化遠送欵誠宜從褒寵
授以方牧可使持節總管欵宣杭睦婺饒等六州諸軍事欵州刺史
上柱國封越國公食邑三千戶及杜伏威入朝其長史輔公拓僞建
位號王引兵討之丹陽遂平明年朝京師貞觀二年四月授左衛白
渠府統軍詔曰前欵州都督汪某等久經任使夙著欵誠益宜叅掌
禁兵委之戎旅可依前授十七年改忠武將軍行右衛積福折衝都
尉太宗代遼東以房元齡爲留守以公爲九宮副監公夙夜宣力駕
還尤稱其功二十三年三月初三日薨于長安年六十有四永徽三
年諸子奉柩以歸葬欵之雲嵐山祠于烏聊山娶錢氏子九人建璨
達廣達遜爽俊獻

越國夫人傳

公未貴時配夫人錢氏諱英端彥公之女休寧黎陽鄉敦睦里錢源
人生陳至德四年五月十七日丑時卒義寧元年二月二日卯時享
年三十三與公同葬雲嵐山生三子建瓌達次稽氏諱圭宗沆公之
女饒州白水鄉山東里人生隋開皇十三年二月二十七日亥時卒
貞觀十五年七月二十一日子時享年四十九葬雲嵐山生二子達
遜龐氏諱實雱公之女婺州大雲鄉安期里人生隋開皇十三年五
月十六日丑時卒唐龍翔二年二月十一日酉時享年七十葬雲嵐
山生三子廣爽俊旣貴娶錢氏諱任巢國公九隴之女湖州長城光
化里人生隋仁壽元年八月九日亥時卒唐貞觀九年十一月十八


日辰時享年三十五未育張氏諱謹燮公之女蓬州伏虞人也生貞
觀元年四月七日申時卒儀鳳二年十月九日未時享年五十一葬
雲嵐山生一子獻

瀆公傳

公字清叟剛果有謀善騎射待士有恩禮故能得人死力乾符以來
黃巢肆毒郡邑五年戊戌二月陷饒信七月陷宣州所在自爲守備
時公年十五揮刃而起曰男爲當爲國以俘獻天子安可坐視生民
塗炭衆異之廣明元年唐子巢黨又陷宣陸入歙攻掠時天子幸蜀
詔令不通汪武以司空鎮婺源摠轄德興浮梁祈門四縣乃出令募
民兵禦之公奮不顧身任爲已責武竒才畧令裨將汪本汪適狎衛

戴虎吳與權皆屬焉公分部討捕境內悉安號令明肅紀律嚴整而
巢兵非亦不犯境中和四年甲申二月補衙前都虞侯充三吳鎮將
時巢寇雖已滅而饑饉薦臻所在寇作李重羈畢鵠陳餘等數千至
鄰境郡鎮爲戕賊公與汪本等激庶士卒戮力戰守境內以安光啟
三年丁未八月差守婺源都鎮景福二年癸丑九月改左橫衛都尉
時楊令公行密都督未南行營武條上其事狀謂公守鎮年久功高
明年楊公奏授本州團練討擊使殿中侍御史都知兵馬使階至銀
青光祿大夫檢校太子賓客兼御史大夫勲至上柱國明年甲寅夏
鄱寇大至公戰禦於銅步死之年三十二歲葬象山大田寺鎮人思
之立祠報祭以禦史居臺端故稱端公祠至道中歐陽文忠公爲運

使過祠下值霖潦道祖禱之則霽命里胥江元慶植雙杉祠前以表
之提刑王汝舟未第時禱之而應爲記以昭靈感其子孫相承輯完
祠宇不廢記之者王鄱陽宗進士董天民教授胡侃大監王炎梁縣
尉江潤身有元尙書汪澤民也後夫黃氏墓在大畎之畚田子肆人
十三公參十四公中元十六公某十八公高



婺源大坂高路重建廟記

新安十姓九汪皆祖越國公汪王其居婺源者爲尤甚大坂又婺源之盛者也自唐銀青光祿大夫檢校太子賓客兼御史大夫上柱國瀆始居其地歷宋三百年衣冠不絕宋之亡也兩淮制置使立信以直言大節名聞天下其先世盛時嘗因宗族所聚立先王廟以祀王里中庶姓咸奔走焉災癘旣消祥慶日下遂爲一方祈禱之所至正十二年蘄黃之寇號稱紅巾侵人我境廟災十三年遠孫同倡明太父潛謀反正誓于王曰先王其佑我克遂厥志功成之日當新王廟以示報崇乃剗夷五嶺賊典出迎官軍直抵州治藉王之休所向無前殲厥渠魁洗滌克穢婺源以平復佐官軍克復饒州然后退田里

告于衆曰克復之功繫先王是賴廟宇不建其何以酬先言出錢若干緡以供土木之費於是壯者出力巧者出技棟梁浮來僂髯鳳運不日成之翬飛壯觀落成而祭起敬起慕同兄獻請紀其事刻之貞石載考傳記龍游徐氏立先王廟以祀偃王厥有故事况吾新安當隋之亂賴王保聚卒獲安全唐之季世婺源以汪瀆拒逆巢於境其民不被毒虐五代之際又以汪武拒絕陶雅使不得入賦以不增汪氏蓋世有功於此土者今同起義滅寇以安反側真無忝厥祖矣豈徒建廟云乎哉故不讓而書之

元至正十五年歲在癸巳八月仲秋

翰林侍制中順大夫鄭玉記

祁門縣重建忠烈廟記

天地間惟忠義足以垂不朽惟仁惠足以流無窮當隋之來豪傑帽
起磔裂海內自初擅名者不可勝記夫以王之智勇絕人英畧蓋世
豈不能世守吳越與中國爭長雄惟王機神昭鑑畏天明命不待交
兵納款於唐其有功於國爲甚大當此之時血人如牙暴骨如莽惟
王不忍鬪其民捍歛宣抗睦饒婺六州完其室家免於鋒鏑其有德
於民爲甚至自昔有公德者宜在祀典稽禮經捍大患禦大災皆得
廟食於其土至於陵谷奕廷德厚流光者亦有時寢微而廟享隨之
惟王迨今七百餘年遇水旱沴疫禱輒應又能驚動村福事后驗成
則如鑑照日覩於今爲獨靈廟像之設殆遍於歛之屬境然或侈剝

海山志 卷之五 元月定

弗治惟祁門棟宇鼎新於祠爲獨盛神固依人而行然長民者必資神之默相時和歲稔民无札瘥始能布德化收治功然則祁門之治民事神於今爲獨賢祁縣之東麓曰有忠烈廟歲久漸圯後至元三年真定士元趙君實來爲邑勵精於政甫闢兩考凡有益于民者無不盡力每早曠輒躬詣祠下致齋籲誠甚于已之私禮儼犧牲享禮豐潔旣而復捐已帑繕完祠宇朝夕弗懈益虔故能易沴而和變歉而豐暇日相陰相頗怪其地風氣宣泄非所以烜赫神靈示尊崇傳永久意又別構又重改作焉俄而大風拔廟旁木覆壓廊屋宋楠盡折邦人驚告尹乃嘆曰其殆神綦我謀乎吾志決矣乃與邑之好事者沈德壽汪景龍卜遷基之兆于神尋獲殊勝于西山之陽芟荒濶

汚竒勢迭出崇岡濬源宛如龍驤郡峯來朝森若星抉嶽祗瀆鬼踊
躍後先靈氣歛忽天光下臨致極相力意卷然樂之顧語景龍曰吾
雖經畫已定然指付必甚於任汝其奔走先后以成吾志由是衆驩
趨之神之威靈動盪於其幽尹之德意感召於其明蒙利澤者咸願
施金荷神休者舉皆書券獻桶棖者供餼糧者取工傭者若輻輳基
置不召而自來審曲而勢工告訖功正殿巋然比舊益壯前建義門
之庭後豎更衣之室東西有序宴饗有廳又傍備龕祠以奉佐神厨
傳寢食息益新神像暨衣冠旗纛鐘鼓之屬稍光於前不侈於後尹
復諭於衆曰今茲新廟奕奕神靈寧止苟不置守者無以永焚修之
寄請依富山祖廟故事仍命崇法院僧普奉祀而尸祀之復與願施

者買民田入於祀少備渴沐完輯之資庶幾有始終先是王之功德
入國朝彌著有司屢上其事天子念彝典不足以寵嘉之乃益侈王
爵著徽稱以增異焉廟成褒封之冊適下此可謂與國同休勿替引
之者也予贊郡幕之明年厝宇羅鬱攸之警適遍召令儀工役留城
闔退食自公趙君踏門述前事甚悃請予文以識歲月予辭不獲命
竊聞神之爲靈彰彰矣未易悉數然其告戒吉凶與人臣言依於忠
與人子言依於孝摠明正直无少替諛有教之道焉若此神之心卽
天之心矣孜孜斥大詞宇特爲民榮禱南陽有所不以約束而從民
所樂爲初未嘗討福田利益若此尹之心卽神之心矣由此觀之神
之忠義仁惠尹之敬共明神皆有志乎民鑱辭堅珉以永其傳俱當

不泯王姓汪氏諱華績溪人受封於唐武德四年歿於貞觀二十二
年立祠於大歷十年實巨實延碩大且蕃耿耿其有祉哉

元至正二年壬午歲五月望日經歷張純仁記承務郎徽州路祁門
縣尹兼勸農事趙士元立石

重建寢廟記

大丈夫生而負英雄之姿歿而受神明之號豈偶然哉本其初勵志
以濟人輸忠以衛國隋唐以來越國汪公救民水火所謂有功而祀
之者也千載之下廟以定位寢以棲神徵諸人事朝以聽政夜以安
身亦其理歟噫當時之保民者公也後世之報公者民也天理人心
之所以不泯也欽惟聖皇御極道隆天地人神之主也洪武九年八

月二十七日誕敷玉音其意若曰忠臣烈士祠宇碑石有司必加修
豎甚盛舉也凡爾百官奔走祗承俱無以承上旨徽州府知府張孟
善守衛千戶張興等相與協議翊日耆士吳瑛張玠躬詣大府願白
廳以越國異蹟駭聞具著實錄六州立廟莫如歛之烏聊山遭壬辰
燬燼其前廟巍峩已復舊規東廡鐘樓前千戶唐震朱興作之西廡
鼓樓唐震孫貴繼作之載謀載猷將以起廢三門未峙峙之亭碑未
堅堅之後寢未輯輯之大小僚屬倒割已俸勇者效力富者傾貲卜
以吉兆工以獻圖棟宇翬飛瓦壁鱗列以屋枚之其楹有三閣處其
上以簷計之其層又三翼以閣道爲間者六綺窓玲瓏朱箔迤邐角
枕錦衾神榻在焉曰黃山曰間政曰紫陽披雲峒嶢旋繞雷鎮晝暝

霧歛日晴誠爲一郡之壯觀也瑛間以知府命次其顛末述文記之
子儀曰廟各有制謂之五廟三廟二廟是也祭各有尹謂之山川五
祀先祖是也前廟後寢雖不敢僭而曰原廟廟制之奕也裳衣時食

雖不敢瀆而曰像設祭法之變也越國不特生而有功禦災卹患歿
而尙有功焉宜其粢盛豐潔崇德報功合乎祀典矣陰陽交孚幽明
感格金戈鐵騎精爽揚靈羽益寶車群從前後以安以寧乃寢乃夢
豈無享香盥洗之奉乎殊不知隋唐之際搶勦鼎沸六州之內扶老
字幼含哺鼓腹以囿雍熙之域者今而熏蒿悽愴如生如存如事父
母而民敬信如此按夫人錢氏四德子懿九族可師湖州長城人其
父諱九隴仕至金紫光祿大夫以擒劉黑闥進封巢國薦稽越國唐

高祖誥曰識機慕化遠近欵誠勵志以濟人輸忠以衛國豈非大丈
夫哉聖朝褒嘉山河社稷永永無疆其肇始落成歲月考功自有記
是舉也有司之職董役者僧傳受也故附書云

明洪武十一年十月望日訓導唐子儀記

忠烈廟重建寢殿神光樓記

劉秉懿

汪王廟在烏聊山巔昔王屯兵於此以保土靖民後人尸而祝之今
忠烈廟是也唐人汪台符記之甚詳今八百餘年宋季乙亥兵革後
衆請於有司上之總攝所俾得以廟附寺陽總攝命其徒僧永皈主
之甲乙其傳以相永久又三十年僧慧心嗣席辛勤克紹益加莊嚴
泰定三年丙寅夏六月風雨雹作民廬公廨十捐其半廟居絕頂旁

無憑附寢殿神光棲福惠殿椽飛瓦解若東傾則傷屯營數十家之
生聚西仆則正殿三間皆不能保今摧拆委地左右前後無損豈非
神乎慧心皇皇若不能以自存竊革有以復舊惟晨鐘夕鼓乞靈於
神一日郡人汪孔昭啟曰神以聰明正直依人而行神吾祖也斯民
得以安居樂業實神之麻神之寢殿廢吾力能以復規獨鼎新獨建
輪奐翬飛氣象軒豁鳩工於丁卯十月訖工於明年七月獨神光樓
福惠殿未備慧心同徒弟紹初竭私泉創福惠殿成神光樓工大費
重衆翕然樂助有差慧心鳩工市財肩風雪弊衣屨人山伐木跋蹠
忘勞崇其址壯其材其爲永久圖至矣經始於天歷元年九月落成
于是年十二月万瓦連甍樓觀一新神人父老嘖嘖嘆詠謂慧心作

之勇而成之易也如此惠心曰吾何能爲惟神恩德普于人心其有不能自己顧不知相助之樂而工役之鉅麗也然事不繼述無以傳遠請爲文以紀之余因登臨伏覩盛事廟貌增崇金碧輝映當圯壤頽仆之餘亘卓然復舊信神之助亦人之力也世固有當爲而不爲不當爲而爲者凡能爲而不失其分者鮮矣汪氏孔昭獨建寢樓尊其先也郡人樂施不勤昭其敬也此皆當爲者寺僧惠心偕其徒竭力與財克底于成是能爲而不失分也功德豈淺鮮哉傳曰神而明之存乎其人廣言大厦妥神之靈廟食百世爲無穷期咸願刻石以著厥美而係之以詩俾歌以祀辭曰

奕奕寢殿兮神燕居赫赫神光兮星流輝輪奐翬飛兮氣象都鐘

鼓時請兮樂有餘時清人樂兮千里福雨暘時若兮歲豐熟生齒
繁息兮民用足嘉祥屢應兮沐清淑黃山嗟我兮練水東高明爽
塏兮王之宮有蘋有芷兮報無窮國泰民安兮廟興隆

休寧烏龍山廟田記

學士程敏政

唐歙州摠管越國汪王有廟在歙之烏聊山始貞觀己亥著於令甲
歷代因之號其廟曰忠烈屬邑之人走乞靈無虛日又各卽其地爲
行祠其在休寧烏龍山者莫知所從起焉烏龍據汭川之上琅水東
出橫水南下至此而合北流底於浙溪山形蜿蜒沂流而上峭壁斷
厓皆黑色不可正視山因以名而廟占其勝故其神益靈而人尊奉
之者不懈益虔越公遠孫居汭川者曰永莊以祠出衆力之所成因

氏修輯而厥世守之規非便乃以成化丁酉於廟之左買地爲屋三楹置守者居之又割田若干畝增其用諏日告於廟下以稔其族與其鄉之人有耆而儒者曰程君仕儀加其志具以白請紀之石以明示后俾來者謹嗣之予時方塌告南歸嘗伏拜烏聊之祠得忠烈記實與前代之記讀之竊病其叙隋唐之際與越國之事舉首有弗當於心者思有所紀述而未能也則爲之言曰煬之不道古未有也弑其父而烝其御竭四海之力以事遠夷委棄其宗社而荒於禽色弑僂諫士迷不知返故朱子綱目于大業之盜悉以起兵書之而不曰反明人得而誅之也于煬帝之始書隋人弑其君廣而不曰帝非其主也誠以天下未有無父之國故討賊之法不得不嚴如此越公生

當其時蓋有西向問罪之志而力弗逮乃以一族之衆伏劔而興全
有六州以待湯武之出其得民心如秦之吳芮非叛吏也罪人斯得
唐公入關天下之大勢已合不待以逞則奉而歸諸有道使民免於
戰鬪死亡之苦其知幾達變如漢之竇融非降虜也出處之正名節
之完苟有良史如班范者必將別諸吳竇之間君子從而予之矣顧
新舊史皆不立傳遂使越國公之跡世莫得詳而記其廟者又不能
於此正爲公一昌言之乃獨規規於禦災捍患之常與其生榮死哀
之末行其詞婉其意有若爲公諱者誠不考之過也仰惟我高皇帝
以胡元竊據中夏起兵江淮復還舊物而卽位之初大正祀典滯昏
之祠一切報罷徽之所存惟越公及梁將軍當侯景之亂倡義舉兵

肅清鄉郡湘東王繹傳檄四方則間道奉表請以兵從卒之賊平而
民免於難蓋忠壯之拒景越公之貳隋同一討罪之義也忠壯之奉
繹越公之與唐同一救民之心也高皇帝皇其事而並錄之所以扶
天常立人極由一州而推之天下使人凜然知撥亂反正之爲功其
有關於世教大矣豈私於二公者哉二公之子孫半徽郡又蔓延於
四方此仆而彼興前屈而后伸也他姓終莫之與抗亦有非人力所
能爲者豈忠勲之家神明之胄天固有以默相之歟永莊讀書好義
宗黨稱之此舉猶見其知本非餘于子所及儀與予皆出忠壯公後
盖于汪有世講之好云

謹元錫謹按越國公出處雖唐宋以來名公鉅儒屢有發揮求其

議論明白正大可以盡公之心事者無如篁墩先生烏龍山廟田記
視諸蕪東坡錢越王廟碑蓋不多讓况汭川之先出自鱗溪故特錄
之以爲家寶

黟縣橫岡忠烈廟碑

裔孫汪克寬

古者有德必百世祀之有功於民恒有祭法矧禦災捍患能福其民
者乎忠烈汪王當隋之亂以布衣倡義募集驍勇捍禦一方暨唐高
祖削平區宇遣使迭欵朝廷嘉之授以方牧封越國是時四海鼎沸
羣雄蠡起據數州之士竊名字者不可勝犯爭地爭城晝夜戰聞斬
艾蒼生若薙草菅然惟王保有六州奉隋正朔以待真聖俾其境土
之民追鋒鏑如處承平之世邦人追思其義在在立廟祀之不忘水


海山志 卷之五 元 元 元
旱疾癘有禱輒應蓋七百年如此矣自宋迨皇朝中錫王爵徽號八
字榮錫海濱息秩寢隆蓋王之功德在民者無窮故民報之亦遐久
而不迨也黟縣橫岡故有廟歲久墮圯至正四年甲申春二月里人
程儀鳳兄弟捐貲改作秋七月落成堂寢門廡爲屋一十六楹棟宇
宏麗丹漆輝霍肖稼尊嚴軒牖疎達復構四楹於廟之西偏命祝史
某居之以職焚修之役儀鳳割田十畝俾某世食其利而繕輯其廟
宇焉十三年庚寅夏四月儀鳳請予文而勒諸犧牲之碑迺叙其歲
月而系以迎享送神之詩厥田疆畝列之碑陽詩曰

桃源之山兮黟之水民思神德兮百世無已廟貌成兮有寢有堂
觚稜翬飛兮丹碧焜煌神之來格兮驂西蚪旌旗若雲兮顯風肅

賦黍稷斯馨兮芼蘋牲牢肥腍兮酒醴清福我壽我兮俾耆而艾
五風十雨兮物無疵癘我民報祀兮彌厘神之澤兮允無垠

龍井山八侯廟記

司戶叅軍梅如筠



竊觀登源其地清峻而深密水之脉遠廟宇往往下有澤穴暗通大
溪而東必經由龍井山下噫二氣初判靈迹著幽詎非有功于民者
能于是也夫王武德中善取勲業藹有名譽祿迨賢嗣寵盈高門當
年推蕃庶之榮後世崇血食之奉歛人相傳爲八郎君者乃王之八
子也今天子有感必通無文成秩詢郡國之清明復始之義王之八
子類封以侯沔州杞王府咨議諱建曰忠惠侯涪州令諱燦曰忠利
侯上柱國越國公諱達曰忠應侯左勲衛府飛騎尉諱廣曰忠濟侯

左衛勳府飛騎尉諱遜曰忠澤侯薛王府戶曹叅軍諱達曰忠仁侯
岐王府法曹叅軍諱爽曰忠德侯鄭王府戶曹叅軍諱俊曰忠佑侯
誠所以示懿封於一方者也當考祀典而論之越國公於唐最有功
者而其封皆謂之忠是神依人而行昭昭然莫得而掩且登源在績
溪十里蓋本王起家之所東近龍鬚西連石照雖嵩嶽生賢何以過
此村氓野叟間能道百年前事出王武德四年誥文如見王之英靈
氣焰動人悟物信知襲爵無忝於幹蠱乎聖朝以龍井山神特張大
而推美焉龍井山當州五里濱溪峙立香火在人耳目握郡符者前
後信嚮良確而樂與民同益顯暗通之兆大抵水旱天數堯湯有之
比歲以來人之禱火矣因患棟患侯功惟厚會者俱以繪塑來請嗟

夫禮有以文爲貴而黼黻之飾絃絃之數寧復有豐殺哉如筠於是
勸好善者率衆賞以成之不踰月而備謹拜告於廟下以記諸石云

乾道九年五月五日記

大畎端公祠記

裔孫 獻記

唐銀青光祿大夫檢校太子賓客兼御史大夫固練討擊使上柱國
汪公祠在三吳鎮我汪氏遷大畎之始祖也初厥考諱道安公以兵
馬都虞侯摠戎來鎮婺源治清華嘗營武口以禦鄱寇又營絃高卽
今治所也一日疾革以鎮事屬其從弟武武因撫有浮梁德興祁門
揔是四邑兵民遂爲都鎮官司空錫號順義軍公爲虞侯嫡嗣承襲
芳休世掌兵戎負英偉之才剛毅之氣外禦寇攘內安黎庶侍兒裊

首聲威赫濯雖以逆巢凶暴再踐歛疆莫敢闖吾境之獲就勲名終
拒陶雅賦以不增公之勞也年三十有二死國難所謂捍大患而以
死勤王者與邑鄉立祠以報公德迄今不替爲之子孫肅恭厥典以
崇明祀固其宜也公常爲三吳鎮將故三吳之祠宋諸名公之記文
可考而大畷則立祠感思院子孫歲時祭奠大監王公爰記之十四
世孫廸功郎廣德軍司戶叅軍庭推者謂宜博祠以奉公祀其長子
琰圖成考志而弗克遂惟肖公像於感思之祠長孫德馨捐田以供
醴齋壬辰兵燹咸恩院災仲孫德麟走存公像迨兩革命其子若孫
曰立祠里中以祀公祖父志也吾值兵燹而志莫遂若等宜勿忘焉
時德麟之季孫澈年甫歲夙骨特異疑乚若成人服厥祖訓弗忘也

年十五廼以大父之言告其父且曰祖訓卽可違也里社之東偏買地鼎新祠宇歲時率族人祭奠其中在禮不愆將蠲吉以經營乎其父隸德麟之仲子也良是其言卽日命工爲屋四楹中奉公像旁列以後諸先祖咸從祀焉且給田若干畝以備蒸嘗之儀落成有日竟以疾歿洪武十二年閏五月之九日也其父深憫之旣完厥工具石徵記馭謹按譜牒我汪氏得姓則由魯潁川侯初渡江南遷則由漢龍驤將軍文和譜述表聞則由唐越國公華功德在民廟食不替勲承越國澤涵鄉土子子孫孫永欽無斃又惟我御史公之祀乎嗚呼公以盛年銳氣垂休光而昭世德於前澈以妙齡竒氣承先志而新祠宇於後推原本始引之方堯吾汪氏可謂不墜厥緒者矣故詳書

之以驗諸同姓以昭示於後裔云

洪武十二年己未十二月甲子前中順大夫同知饒州路總管裔孫

獻記

端公先世黃墩人自歛徙婺源鱗溪拒盧絳死之至今廟食不絕一
子四孫雲來六百餘人去年冬睦賊陷新安里間大震禱於祠下夜
夢神人告曰端公虎符下祠旁居民如聞車馬號令已而賊遊兵兩
之鱗溪中道肝胎怖愕而返人賴以安六世孫紹吾鄉隱君子也思
欲荅神之休而廟貌頽圯未易鳩工遂自感息院之祠堂而治新之
故提刑大夫王公嘗爲夢揭示靈跡公江左第一人也其言不妄吾
將刻石壁間使世有所取焉嗚呼公生摧巨寇歿保一方謂禦大災

捍大患而有功烈於民者也惜其未能載之祀典封爵牲幣不中品
式獨窮谷深山之民炳香茶燔楮鏹野菽村醪狼藉几案以爲歲時
祈禱之勤而已雖然王公之記自可炤耀無窮又雲來誥誥雅多可
人余雖不盡識之若隱君子之子孫力學過人遠其異日登巍科躋
膺仕抗言於朝發揚鼻祖功烈使斯欽事不忘茲來晚也宣和三年
六月甲子宣教郎徽州府學教授胡侃記

三浯嶺端公祠記

董天民故銀青光祿大夫檢校太子賓客兼御史大夫上柱國汪公
諱瀆字清叟其先本郡人後遷家于婺源之大容里今爲婺源人公
雖幼沒其勲業有稱於後世者唐中和間巢兵作亂縱橫郡邑欲假

道過此民不安其居公時年未及壯志氣功畧有過於人傷世亂之
如此遂建大謀以禦捍於界賊有畏心遂以書告於公乃始得過公
持法於家閨門肅然當時內眷出宴於他館有侍妾中道而返顧者
公怒斬首以示衆自此不獨一家凜然界內之人聞公之教令股慄
莫敢犯者朝廷聞而嘉之方期大用未凡而公且卒嗚呼古之大家
良民至衆然能以勲名自繼其家者亦鮮矣公少雖不能文學見稱
尤好招延四方之賢士共爲籌畫及其長也獨以威權取顯名於當
世豈不盛哉公沒之後遠近之人識與不識思公之遺烈遂相與立
祠宇以時享之若歲大旱而請禱則澍之霖雨民有爭訟而請禱則
知其勝負人有疾病而請禱則示其存亡士有貢舉而請禱則兆其

得失至道丙申二月運使歐陽公按部至此適遭霖潦作梗塗進頗艱遂啟於公禱未畢而大霽道澤稍竭已而得進命里胥江元慶於祠前植雙杉以表之迨今存焉皇祐中推官王汝舟因赴郡試過此而向公許之是夜又感夢於汝舟曰子之秋試春闈將必取焉聞者未能信也已而汝舟果獲鄉薦明年登第自是邑人以及於士大夫莫不慕之憶生有功於世死有靈於人是其於侯封廟食而得之矣公享年三十二歲生子中元嫡孫四人惟敬逢有子延之又能增大其家爲一鄉稱者延之生四子獨惟厚惟睦惟慶繼祖清芬生涯愈大今則有孫玠元端汝平元鳳淑卽公五世孫也皆孝謹於家而能巨富訓子以義方余因館於孫元鳳家其子詔於余至厚一日謂余

曰吾祖端公武烈如此其大後有未知者仲父玠屢傷廟室之隘將欲廣其構願得君一言而又於右以刊示永久余喟曰汪氏有令德而功名若是之盛而無紀者良可悲夫余雖不識其世氏亦粗知其始末又嘉其六世孫紹有志於此敢惜一辭乎故叙其大畧使刻石於廡下他日見之者有以知其後代子孫繼述之不忘也熙寧丁巳仲冬望日番陽進士董天民

按論

裔孫 獻記

按董天民記云公內眷出宴他館有待妾中道後顧公怒斬之而宋郎中許日卿題詩叙云公將出兵拒巢人難之不敢言緣其愛妾諫之公斬妾以行摧敗賊衆於回溪由是不敢犯境鄉井以寧則非宴

于他館中道返顧可知况以返顧之微必不殺一愛妾唯方出令行
軍人畏大獻然愛妾以沮大謀不殺無以令衆董氏言多欠攷證如
此許公之叙必有據云

端公祠靈感記

婺源之東百里許道傍叢木蔚然有祠曰端公廟鄉人奉事甚恪皇
祐四年秋予將試于州友人汪堯卿四人同過祠下有禱於神以竹
本占得失余屢占屢吉三人者皆否退宿祠傍邸舍夜夢告予曰如
所禱及試果預薦冬十月西上復禱謁神禱之亦吉明年春中第自
是從宦南北心嘗異之而不能忘也今年會堯卿言自余登第後三
年再應舉再禱終莫獲吉是夜復夢神云是歙縣奚郡居第一已而

果然同間語及此羣聞之大喜自州致楮幣誠意甚至涉險阻數百
里謁神以禱者凡四五皆莫如所冀後竟出禮部嗚呼神可謂靈矣
昔韓愈謫潮揚且虞海山波濤瘴毒之患而有禱於湘君湘夫人之
神神告之吉及愈還朝不能忘神之賜發私帑修其祠致祭者刻銘
以報靈德念久章鳳烈爲唐朝名臣所以大震顯夫人之威於無窮
可謂不負惟公有廟於斯因有大功烈于當時而元文記可考然余
方齟齬克已有立以取重於天下此所以有愧于公使發異日位大
志得其言足以信當時傳後世顧豈不能一發素誠以報公之休如
愈之爲耶此余心所以不忘而無愧於公姑以識堯卿之言併書之
使人知公之靈如此亦以識予之不忘也

熙寧二年十二月辛丑前進士王汝舟謹記

重建三浯端公祠記

太監王 炎記

婺源東八十里至來安鎮林木蔚然有雙杉對植絜其圍丈有五尺其高上拂雲漢下有汪公叢祠皇祐間安會伯父開國侯爲諸生禱祠下卜秋試得言已而果登第熙寧中都使者歐陽公道祠下東行至記龍溪水怒漲不可涉禱而霄遂植雙杉以識之靈益顯今汪氏族居鱗溪皆其苗裔裔孫某作而新之若宗族若里人各出金布以相其後既成靈誦於衆曰公以匹馬孤劔拒大盜死之而衆恃以無害所謂禦災捍患于法宜祭祭以有廟祀也新廟落成衆志歡洽公必宴喜繼自今事公不敢懈公之庇此一鄉亦宜無窮乃序其巔末

注以宗譜 卷之五
而系之以詩俾因祠事歌以侑神其詞曰雲山蒼風馬翔公歸兮新
害成牲酒馨兮公宴娛兮驅厲思兮逐旱魃無虞兮公庇人人事公
永無窮兮

重建三浯鎮端公祠記

裔孫 澤民撰

婺源芙蓉嶺之東麓右有三浯鎮鎮有端公祠公歛著姓越國公十
三世孫也李唐季年父兵馬使鎮婺源公其次子分戍三浯逆巢肆
虐所在爲盜區公以勲臣子膽勇過人練兵擊賊捍禦掩捕莫敢闖
境衆賴以安自中和迄景福歷官銀青光祿大夫檢校太子賓客兼
御史大夫上柱國旣歿鎮人追思不忘構祠報祭署曰端公從官廡
也凡而兵戎雨暘疵癘之虞被祉免焉宋至道中歐陽文忠公行部

謁欵有感植雙杉誌之繕集惟謹鄉先達王公汝舟王公炎江公事
天皆有記澤民之先還珠使君於公爲兄居五鎮兄弟墓俱在大田
昭穆有序譜牒甚詳至正戊子冬展墓會宗道三浯憇鱗溪峯巒列
秀岡阜四合縈以流泉衍以膏壤族處豐裕文獻可徵祠當炭險之
口背坎面離萃奇畜靈敬享宣延宜矣公裔孫神秀寄跡浮屠氏喜
岐黃術取賞于醫孜孜報本倡出緡錢偕族之人新之明年己丑十
月上吉畢上棟宇深廣靈栖允寧衆割田若干畝以奉蒸嘗而某夙
夜董役效勞德本具石徵記田之區畔勒諸石後用垂永久澤民從
子侄也曷敢以無文讓惟先王之制祭法有五能捍大患以死勤事
功德在民鄉里祠之子孫保之宜在祀典惜乎當時無能陳其忠烈

錫命爵號闕焉顧位畀職散不能信既往之煙鬱材薄辭鄙復無足以發不朽之幽潛祗自慙焉耳雖然迄唐歷宋遺黎遐壤悉歸職方其間家顯胃承續不延者有之我汪氏詩書忠孝文武勲庸彰炳簡牒非前人積累之厚安能致慶若此噫嗣子孫繼今以往尙思克肖克勵克光克昌廟食將百世不替馮馮翼翼其可以無憾也夫謹述興修之由系之以詩并刻之具家乘者不書其辭曰

資英烈兮不訾賈吾勇兮無前時孔艱兮兵相挺拆踈捕兮枌榆以全流矢墜兮奮威怒歿爲神兮靈益著幽明一理兮永垂休佑
技葉碩茂兮安我樂土五嶺聳兮鴉逢迎表獨立兮新廟成彼淫祠兮何福之憑公精忠兮報則丰盈鳳笙兮鼉鼓蕙殺兮椒糝文

運昌兮偃武靈馨德兮終吉至正十一年歲在辛卯冬十有一月
宗裔孫嘉議大夫禮部尙書撰

重修感恩院端公祠堂記

雲溪王炎

婺源縣九十里曰鱗溪居人惟汪氏一族其始祖曰端公以官稱也
唐大中間汪氏自歙徙而來此其傳至今十餘傳矣李氏時賊盜蠡
起端公以勇畧選爲三浯鎮將捍禦鄉閭拒盜死之衆慕其義遂立
廟鎮傍而鱗溪僧舍亦有祠像在焉鄉人奉事甚嚴春秋祭享以時
歲久廟壞碑仆十世孫升達謀曰廟祀不存則無揭虔安靈立廟重
事祠宇弊合新之於是富者出財勇者效力旣訖工來請記爰竊惟
汪氏姓自潁川詹始童子汪騎能執干戈以衛社稷孔子正色稱之

汪氏之名遂著於經及隋末越國公奄據歙宣抗睦婺饒六州之地庇護其民值唐興運納欵歸朝位至金吾爵上公既沒六州之人廟事之存以陰功進爵爲王汪氏由是滋大惟端公賢其忠義似童子志畧似越公惜其地偏位下不克大焜耀於時然而生有勞歿有靈廟食不絕亦可謂豪傑之士矣故提刑王公汝舟通判胡公侃具記其靈異之跡傳信不誣則端公位號雖不登祀典奉以祠廟宜也公諱瀆春秋三十二階至銀青光祿大夫勲至上柱國官至檢校太子賓客兼御史大夫一子四孫舉族二千餘皆餘慶所種盖有所自淳熙九年孟冬望日撰

重達端公思本堂記

曹道振

婺源汪氏由端公始盛端公諱潰唐之季以兵却黃巢爲御史上柱國以卒鄉人懷其德爲祠以奉之子孫居邑之大畝其最著者曰四友先生文學遠近宗之時各士出其門下武經大夫分然宋南渡時爲韓世忠大將有功制置立信以直節抗叔姦與其國俱歿炳如也至正十七年春汪氏之大宗率其子若孫祠於端公廟慨然念其宗之繁源之遠也謀於其族卽祖塋之西高林坦爲屋祠端公其中而各爲旁龕以有昭穆配族之賢者咸勸趨之數月而工就名其堂曰思本請余文以記余嘗聞婺源居大江之東其山峭潔而雄拔芙蓉峙其陽石耳負其陰故其人率皆清分卓偉始平時以文章名義立者故不鮮矣不幸遭亂世輒奮然成功各甚者守其道不變以致於

死若端制置公皆其人也茲故當時盛化之所被而亦山川風氣有以輔之耳豈不卓哉汪氏子孫之所思必有在己夫天之忠義所以報之者不能及於身必將佑其後雖忠義之士未嘗顧此而理之照然亦不可以誣也然則汪氏之子孫所以優游生聚於今者夫豈無本乎此而不思嗚呼其思是爲已斯役也經始五月而成於十月主其事曰某贊其役曰某屋凡若干楹田爲若干畝者至正八年三月賜進士撰并書

按論

裔孫 獻記

此記獻與族兄省吾囑進士王伯恂說求之其時族衆擬立廟於高木林坦而卒不能成其事惟三梧廟旣完而又毀圯亦莫有能繼爲

輯理者良可嘆也。道振字伯大夫，闈人。戊子科進士，出身裔孫撰。

新植雙杉記

江潤身

道不明於天下，祀事之不經也久矣。祭其先也而多忽之，祀不以功德而惟雅是崇，舉世潛亡。雖賢不免，余以富貴貧賤壽夭由於氣稟之厚薄長短而非世俗土木神鬼者所能作威福，其間敬於不應祀之神，惟莫之敬且懷。秋公題毀祠之志而力未能也。吾邑廟食之神受朝廷八字王封廟堂歲致香幣三學功名士不遠千里而乞靈不絕。歲四月八日東南數十州之人于于然來，肩險阻嬰疾癘而勿恤，威靈氣燄震動一世，可謂盛矣。而余獨以爲世道衰微，教學不明，本源而弗昭，是非有功德之祠者也。余家舊俗歲除祀事必脯一臠以

祀端公余素不祠外神嘗見王公汝舟記部使者植雙杉事及詢究公之裔孫則又有胡公侃王公炎董公天民三記焉胡公謂扼盧絳死之惟董則曰唐中和間巢兵作亂公禦之境衆德公爲之立祠攷之史巢以乾符五年六月陷饒信七月陷宣州歛乃饒之東宣之南也廣明元年巢別將又陷宣睦睦歛之東偏也是年七月始北渡江其曰中和不可謂忘矣公之裔又有藏都軍帖三者蓋公爲衛前都虞侯三吳鎮將抽子將汪適克副將時也按唐供奉官御史中丞與侍御史聯班六典則曰鎮有鎮將鎮副兵部則曰鎮有使有副使又曰軍鎮置押官今其帖曰兵馬使鎮遏使曰副使曰押衙曰殿中侍御史曰御史中丞則官制盡與唐合三帖紀年曰中和曰光啟曰景

福則其中歲月又與巢亂相後先然則公之禦捍鄉井正在巢時而非盧絳無可疑者胡公遇未稽攷耳余由是知端公之得祀本末明白而非世之淫祀故於此祀也益加肅然公有功德於生民故公裔益大以蕃而公之廟貌得以歲享祀前十年公之裔孫居易逢吉旣新其祠後於祠傍築室以衛宰木惟雙杉歲久生意侵微今年春居易之祠有聞再植雙杉其旁以續生意於無窮使世知公之功德亦與之無窮也余惟思召伯而愛甘棠武侯祠以栢菜公祠以竹其義一耳况六一公本力排胡神而於此祠獨旌以雙杉則公之得祀蓋以明白正大而公之子孫能世其祀於禮爲不悖道何嘗泯於人心耶予旣病前記之異同而歐陽公雙杉之植當時實命余叔祖五府

君元慶則訂辨以告鄉人實命余之志况開先之徵於公者不書慮
後世以靈驗視公而不以公之大功德爲當祀也咸淳二年二月十
五日里人後學撰

再植雙杉記

裔孫 獻記

唐銀青光祿大夫檢校太子賓客兼御史大夫團練討擊使柱國汪
公祠在婺源之東曰三吳嶺嶺嘗爲鎮曰來安祠事雙杉始於宋歐
陽文忠公命江元慶植之以旌忠烈厥後子孫植用承芳體宋太監
王公炎進士江公潤身有記裔孫獻記之復爲文以記之其辭曰

惟唐季世逆巢肆兇殘宣毒睦由歛以踐饒公據險捍擊莫敢闖
境民藉以寧如在社席練兵禦侮鎮上流要衝于茲三吳靖綏國

難天子錫命勲爵崇顯其後遏鄙寇於德興之銅埠死焉民德之
思不能忘立祠鎮傍報祭無疆聲靈赫濯人具敬止宋提刑王公
汝舟爲記以詔靈感歐陽公修道經祠下謁禱有應詢知公貞續
祇庸表志雙杉繇植至紹興乾道絜其圍則丈有五尺公之曾孫
恐其朽摧乃再植焉記鐫在石有元至正戊子裔孫神秀發帑鳩
工載新祠廟十七年丁酉獻繼作門廡爲間者立閑雙松於庭蠹
茲惛冥忌忤我宗枋馮囂怙勢弗慮弗顧數百祀柯幹戕于斤斧
木伐屋壞行通嗟吁往者遏卹來者可圖鋤移根株培是故墟神
明匡扶秀色日敷積小以成高大其在茲乎其在茲乎大則禹柏
朽株猶存孔林植檜森陰遐旻盛德偉勲等侔乾坤兵革沉淪尙

注以宗譜 卷之五 元一册堂
惻傷于仁人溪流沄沄山石嶙峋昭昭有神永庇於後昆

過三浯鎮題端公祠記

卽中許月卿題

端公瀆爲英濟王之裔往有拒巢殺其將峯方其出軍也人皆畏之不敢言緣其愛妾諫之公斬妾以行摧賊衆於回溪由是不敢犯境鄉井以寧人思不忘祠之三浯嶺毆陽公爲部使經祠下命父老植雙杉祠前經二百年其木合抱曾人伐之不旌踵死月卿過祠下命詩紀之

端公碑石蔓蘿門嘆息雙杉拔木根將畧傳家自忠顯侍兒梟首亦平原乘風飛去乾坤窄踏月歸來煙水昏往事不堪重回首青橙黃菊薦芳樽

婺源縣靈惠公廟記

許升卿

隋末改隳而羣雄出以強力相取勝較其大小雖殊然割裂郡縣據而有之抑衆矣姓汪氏諱華當彼之時嘗稱王據歙唐興遂歸于唐槩見于劉向之書壯伏威王雄誕之傳武德四年高祖拜爲歙宣杭睦婺饒六州總管封公越國載今圖經州烏聊山之南阜有廟焉壬戌歲公之裔孫台符爲之記本朝大中祥符二年追封靈惠公屬縣婺源東南隅舊亦有廟皇祐中主簿杜權衡令事輯而新之郡之諸邑自昔以還亦往往增建是必守捍民土功在當時爲人所思無敢廢慢又公之氏族於江南比他姓尤爲多甚蓋厥初宗強而後苗裔之廣也則其相與崇饗祀事念其宜乎噫公於曩昔擾攘之間據有

茲地歷唐五代然後迄於我宋而民生不見干戈之役故得神於廟
坐權鼓籥侑肴樽而歆民祈報之奉以常實太平之世乃能然也今
秘書丞程侯廸治縣且久屢造祠下一日喟然嘆曰公之名如此其
永也宇之成如此其完也何其文之獨闕也誠恐來者無從以考因
屬記于予而程侯之政內明外惠凡訟訴至必先溫其色辭以善瑜
之民胥化服其刑寢簡信能孚乎人矣又能詢其土俗以對乎神不
以其愚而見屬焉使來者幾有所考則靈惠之烈程侯之政其可知
也已

績溪縣登源廟記

稽夫虎豹之變必資于風霧豪傑之起實職朱賊於亂離然虎豹非

藪大而不生豪傑由地雄而間出自然之數也惟茲登源限于一隅
崇高崛竒旁泊千里吳越輿地我之下址績溪土宇我之餘波節彼
華陽是爲壺奧越公之出諒有宜符惟隋之季海水郡飛跨川連郡
王公百數宣饒二城我爲中府杭睦二師我居上遊嗷然心思得強
主越公之起又與時會故能烏合大衆虎視一方功濟生民力制強
禦保此六郡歸于巨唐享爵上公流慶永裔祭法曰能捍大患則祀
之越國之祀可謂宜矣按寶錄公姓汪諱華隋將寶歡之族子也幼
孤養于舅氏性嗜睡舅妻苦之潛去床簣公体不墜怪而視之有青
龍負床由是異焉及長倜儻善騎射仕郡幹蠱爲衆附之尋屬亂離
奄有方面未知唐德自稱吳王故迄今有汪王之號烏聊山廟郡人

祠之有記存焉績溪縣廟鄉人立之故莫知年祀雖肝蠻如在而棟
宇久隳神必依人物不終否范陽盧君遠之宰斯邑也當金陵瓦解
之後是萬室懸罄之秋民心未寧政理非易朝廷慎擇良吏久屬當
仁君能膏夷傷起凋弊未杖而人不犯絃歌而吏不欺盜不入疆民
自知义以至橋梁亭傳靡不經心寺宇祠堂亦多改作縣東七里
有華公城卽越公北鎮之城也公初領兵未獲立城之所固以弓遠射
箭下之處正得勝地遂地遂城之城之東卽公舊宅也宅前有上馬
石存焉盧君欲大顯越公之異越公文陰起盧君之心因獲移建靈
祠次於舊址旣論旣奠亦塑亦丹堂嚴威容帳趨列侍廟岩岩而壁
立門沉沉而洞開鳳來而儀衛如生山近而卒屏自設仍移上馬石

置諸廟廷神鑒孔彰靈應稱感孟冬吉日聚鄉人而落之君子謂是
祠也非盧公不與斯邑也非越公不祀祀必受福興不告勞從人欲
也若乃聰明正直陰陽不側越公有焉仁慈忠愛力行不怠盧君有
焉君子才君子德豈止乎割鷄之治神之明神之靈實荷於象雷之
乂自此烹鮮卽當展驥賦學於舊史見越公之本傳經此琴當覲盧
公之巨美敢效黎陽之碑兼紀太立之事咨爾邑人奉之弗墜
太平興國五年歲次庚辰冬十月二日朝奉郎光祿大夫賦撰

休寧忠顯廟記

尙書金安節

祀有功也禮有施報通乎幽明人神雖殊其理則一人之事神旣盡
其至則神之降祥錫祉亦將不得而畱矣故君子之崇其祀也名稱

欲其美封爵欲其尊粢盛欲其豐潔宮室欲其輪奐凡可施諸神者無不備至焉所以盡欽事之誠而爲民徼福于無窮也恭惟顯靈英濟王雄資天挺智勇絕人屬隋季世豪傑並起海內俶擾民不奠居王雅以才畧爲衆所推爰集義徒保厥鄉井號令明信威聲赫然欵宣杭睦婺饒六州之民皆恃王以免於禍及高祖興太原王知天命有在挈圖籍歸六高祖嘉其志封越國公授本州刺史持節都督六州諸軍事貞觀初入掌禁旅恩禮有加焉旣歿人思其功廟祀不輟至本朝大中祥符二年始封靈惠公改和四年以忠顯號廟額七年追封靈濟王宣和四年復卽舊稱加顯靈前后璽書悉畱登源神祠盖王所居之遺址也自唐迄今逾五百年威靈益著加爵益尊別祠

之廣遍於郡邑而休寧獨無歲曰于則迎香火於別祠之近者爲位以享之己事則徹民無所瞻仰紹興癸酉莆陽吳侯敦仁來宰是邑治人事神罔弗祗畏明年夏久不雨侯仍舊俗禱焉既入卽事顧瞻嘆曰此邦之人荷王之休久矣而廟貌不建何以示虔是禱也有應當大啟祠宇以侈神賜且使人有所依怙爲福無窮神鑒其衷若有響應不旋踵雨大至枯槁浮輿民庶忻慶莫不鼓舞向之乞靈境外民罔愿焉及是皆願出財力相厥事得吉壤于縣治之東崇圖廻環淑氣磅礴歷世知之而莫果用若有待來叅考甫定遠近來獻惟恐居後木石瓦甍之屬不日而積工徒日勸靡煩程督經始於乙亥四月乙酉告成于七月己丑爲握凡五十楹殿堂門廡高明巨麗于王

居爲稱儀衛備設儼然神靈降依有禱必應雨暘時若乃歲大豐闔
邑稱頌皆以爲廟成之福求文于予以識之使謂神之功施于吾民
者厚矣歷歲數百而棟宇不立衆雖有創建興造莫克成之令也雕
薨飛陛劄見于茂林翠麓之間而至者肅然謂他郡之祠皆所不及
變前日苟簡之習而成斯民蘄嚮之志且迎方來滋至之休侯之勤
民至矣是可紀也然予聞民神之主也民和而神降之福侯之所以
茂對明神而導迎和氣者蓋有道矣不專是輪奐之美而已也侯之
先君子當爲邑長于斯矣慈祥愷悌視民如子時方多虞兵革未息
君外饗師旅內和民人動皆得宜事茂不濟遺澤至今于泯也侯天
資旣高治政經術復有所授其來也以先君子所臨尤加意焉故閱

時未幾衆已悅服濟美之譽光於前人神所以眷顧憑依而降福有
繼者其在是歟不然民志未愜而遽興土木之功以從事於祈禱禴
禘之間神將厭其瀆而莫之省矣其何福之有故予旣序其營繕之
槩而并以所知者告焉後之君子欲盡事神之義而爲此邦無窮之
福者尙其念哉

紹興二十六年五月初十日尙書金節安節記

休寧古城山汪廟記

鄒補之

萬安山在隋唐間爲獻州治所舊有城曰故城俗訛曰古城下有市
亦曰舊市予按樂史寰宇記歙本禹貢揚州之域春秋時其地屬吳
吳後屬越越爲楚所滅故又爲楚秦并天下置歙縣漢以隸丹陽郡

獻帝建安中歙率毛甘毛聊山卽今州治也吳孫權遣賀齊平之遂
分歙縣治休寧治靈烏山後避孫休諱改海陽移治萬歲山晉平吳
改海寧并隸新安都歷宋齊梁陳隸東陽郡隋平陳置歙州改名黟
後改海寧又改海寧爲休寧大業末靈濟王以海內俶擾起義聞里
保有歙杭宣睦婺饒六州實寓治茲土武德間歸義封越國公授歙
州刺史持節都督六州諸軍事而歙又爲都督府治所貞觀初罷都
督復爲州天寶十三年移休寧于西十三里卽今治皇朝宣政間盜
發鄰壤羶穢波及改歙爲徽而萬歲山以語詰升更爲萬安山焉人
傑地靈神所憑依雖將百世祀可王後歸朝薨長安歸葬于積溪之
登源後人卽墓所祀之威靈日著封綸狎至祥符二年封靈惠公政

和二年賜廟號忠顯七年進封英濟王宣和顯靈王至今宣歙間民
十姓九注往往皆其裔胄也祠祀殆幾徧諸邑矣休寧舊無祀前令
吳君端智誠始卽縣東山祠之然猶未廣也故城以王所憑依威靈
萃輯祠祀弗虔道人吳智誠始升大而加新之中巖像設異以隍城
五顯之神始經于乾道壬辰鳩工於淳熙己亥土木壯麗丹雘望飾
金碧相鮮適其下者睢盱驚炫漢所未有屬余向公事外郊飯山中
智誠礮石請記將刻之予因嘆今之官府每有所營建動輒有擾阻
隔廢去寧坐敗楯朽棟之下若將壓焉弗顧也爾智誠無祿于官無
賦于民徒以蔬糲苦行爲檀施信鄉用能張空拳成就于許事且文
曰養數十指朝鐘墓鼓無以異于浮屠老氏之宮亦足以知智誠之

裕于幹也故爲疏其顛尾且以慰其志云

紹興五年龍集甲寅季秋上澣

宣教郎知休寧縣主晉勸農營田公事三衢鄒補之

重建忠烈靈祠

鄭玉

後至元之二年冬府判燕山馬侯佐治新安官府修明寮案協和政
有所不孚事有所不便侯輒曰府罷行之事士修其教農安其業差
役不擾祖賦以時六邑晏然官以無事乃延見父老詢求水旱疾癘
所以致禱祀者僉謂忠烈汪王自唐至今以功勞血食禱應如響侯
識不忘明年春淫雨害麥民且憂饑年侯白寮長率厥官屬詣祠齋
戒以請翼日天休霽然麥遂倍收王有陵廟在郡北七里雲嵐山中

侯往謁謝則左傾右頽風雨弗庇侯喟然嘆曰吾徒以善惡賞罰之
權而教於陽王以雨暘禍福之乘而祠于陰實一郡生靈休戚之所
關係陵廟弊懷弗輯吾守土者之責也首捐己俸以倡凡厥在位各
以品秩出金有差命歛縣主部韓君世傑董其事逾月告逾月告畢
內外一新士民乞靈莫不起敬韓君述余請文刊之於石余惟隋之
亡也海宇如湯歛宣抗睦饒婺六州獨不識兵當其大亂之時如處
太平之世皆王之力也宜其血食千載報祀無窮按歛縣有古邱墓
凡三晉新安太守程元譚墓在余所居貞白里中今惟雙石人可識
然沉淪土中殆盡矣陳儀司程靈洗墓在郡西南曰黃墩相傳卽墓
爲壇因壇爲廟今亦不知其廟之所在獨王以豐功鉅烈生則有濟

時及物之恩死能相其雨暘水旱之宜故自唐至今六七百年前廟後陵巍巍不廢功德茂矣漢以陳隱王有誅秦之功置守塚者三十家禁其樵採吳越錢氏當五代之亂保有兩浙後世亦爲立寺觀以守其墳墓此皆古今人之典所後以爲勸戒者焉侯以聰明才幹歷仕中朝故其出佐外郡知重民事能及于是是可書也贊是役者前推官廬陵歐陽修賢知事東平王大鈞馬侯名禎字幹臣其祖璘嘗爲叅政江淮省父澤廣平路總管蓋世家云

至元四年二月庚午日郡人

重建登源忠烈廟記

洪侃記

忠顯有祠徧大江以東矣廟於績溪登源之岡則王故居也血食今

六百祀往年邑大夫曹君訓鳩里旅督工料增輯祠宇而新焉則自
紹興戊寅石湖范公之記在後六十年風雨頽圯廟視他處反弗若
道吳如宗者與里人吳恒周該胡天祿各出其力經營締建十鄉之
民翕然捐金穀不少吝殿宇宏麗樓閣高張復還前日之壯觀廟後
爲王祖墓如宗又賣旁他植林木以周蔭之寓君相如總其事於前
邑尉贊其役於後皆與王同姓廟貌興崇殆有數乎侃曩嘗試令荷
王庇休矣今爲州判任滿且去邑人請記其事不獲辭則告之曰神
固依人人實依神王之明靈精爽如水行地中爲江爲河爲淮爲濟
無在無不在而睠其桑梓不能忘情者或亦王之心也凡今百里之
內四民安業時其雨暘不逢不若謂非有陰而默佑者耶繼今以往

欽崇必飾享祀必時視漏亟補視傾亟支毋使極敝而後改爲則神
具燕喜福之來崇來下未艾也不然毋以妥王之靈其何徵福之有
孔子曰祭神如神在必有知斯言之不誣

寶慶丁亥夏五月朔日通判

登源重修廟記

范成大記

邑於新安者皆在萬山之間重岡穹阜之上其田磽确縈帶隨山爲
阡陌與荆榛篁竹爭尺寸之地旁無江湖沛澤之浸高者仰雨卑者
引溪春夏之交雨作而泉滌源則澗谷皆溢一夕數丈瀾湧于桑榆
籬落之表潦收風霽奔注而去若傾盆瓴建可立而待其涸夫以盈
虛不常如此宜其每有旱乾水溢之憂然考所建數十百年以來地

利人功足以自給未聞有饑饉流離之厄意必有神司之默相陽騭以濟登茲者問其鄉人則以顯靈英濟王告焉蓋諸汪之所自出也當隋之亂以其徒六萬保有歙宣杭睦婺饒六州之民唐興舉其藉自歸高祖以功名始終還葬於故鄉鄉人尸祝而社稷之凡雨暘疫癘之不時則瀕呻其憂患而吁嗟其所欲得崇禮祀典餘五百年無求而不答方其生也既能殫力以禦捍其鄉里于塗炭之中歿而滋愛其民神靈顧留而弗忍去以任其急難赴愬之民晏然衣食免於天災之流行嗚呼可謂仁也已謹按王之故居在今績溪縣之東七里登源之岡廢城之墟固遺蹟久而不湮如別廟之居郡及旁邑者乃皆輪奐相望積溪以爲愧大果曹君訓之爲邑長也以其絕人十


倍之資小試其緒餘而縣之百廢指顧皆舉猶以新廟費舉朞年成於是十鄉之民知爲其父兄弟而有請於神者無不獲凡安其室廬善其田疇皆神之惠不可以勿圖則相與言於縣官願飾私費以新登源之祠以報神之功而成君之意君乃審視廟中之寶釐拆其工程而十鄉之人自皆採符而分任之舊廟之不可因者盡撤而改作始役於戊寅之九月訖工於明年之正月凡于四亭兩廡從祀之位齋明之館與夫像設儀注之屬皆瑰麗光明煥然一新而官吏不知公徒不預焉余當怪之爲縣者乎懲爲督責讚訢之患支撐扶特以苟歲月迯譴怒爲能至津梁郭鄒官寺神宇之處坐視其頽圯大壞終不敢顧恤謂不如是近搔搖謗誼利未及興而害已不可勝言

此天下之通患也今曹君獨能使其民至誠出力以起驚心駭目之
觀蕭然無事若未嘗有所設張其所以得此於民必有道矣向所謂
利未及興而害不可勝言者豈非慈惠誠信之澤尙有愧焉民未及
信之故功利多阻每見其難成議者弗察遽謂天下之弊舉不可以
復理是其爲說有愧于績溪多矣君將大合樂以告成于神使來乞
詞以識歲月余爲吏於郡數以農事從太守禱于王之祠墳在烏聊
雲嵐兩山者值歲豐稔得飽食以緩帶益信鄉人之說王之惠于此
邦不誣故樂爲之書且爲侑神迎送之詞三章遺之使歌以侑樂而
廣神之意云

靈風飄兩晝其宣光煥黃隱百霆淒以寒神之至於我民亟來歸

宿萬靈兮菲菲旅百禮屢豐年酒嘉旨氣如春神之虞眷新宮屹
 千柱樂故居兮瑞穰穰靈其沛馘虜魁嗣茲歲雲車轆神之遊覽
 山川悵懷舊尙少留兮

紹興二十九年七月朔司戶叅軍



碑記

裔孫 復撰

上卽位之三年正月上日始見帝於郊禮我誕敷祭澤曰忠臣烈士
節婦義夫墓域之在境內者有司封護之如章績溪令臣更考圖乘
登源之岡有唐越國汪公之祖墓叅之汪氏家譜則齊司馬諱叔舉
暨其配許氏之阡於越國公爲高祖父母也按譜實葬歙邑登嶺前
白揚坑東山下績溪故歙境齊永秦始置績溪縣司馬齊人葬當是
未置縣之前譜以歙書三月辛卯今謁墓下父老子弟咸在春雨方
霽日色舒遲郡民拜泥潦中俎豆盞犖亦置之茅竹荒翳之地令曰
吾之職也不恭神明何以塞明詔且越國之靈久而彌光吏民方竊
依賴於先壠可不用吾之職乎先是今鄰州刺史君浚義趙公孟迓

爲縣日亦常欵茲墓因爲亭以表之今令建安李君乃欲於四楹稍大其址使時節有事得以展布簿餘杭君中立和之邦人士庶翕然響應營度於是月壬寅以四月之丁丑卽告竣事凡糜七十萬粟二萬兩役夫丁五百亭修四十尺廣有修之半輦趙公舊所爲亭綴之於前嚴以扃鐫周以欄楯而榜之以基德之亭又揭是亭之門曰齊司馬汪公夫人許氏之墓凡皆成趙公引而不發之功以廣上恩意者如此復竊伏惟唐武德貞觀間號爲勲臣者多矣祠廟墳墓今皆昧亡無所聞我先王之事傳記或異重費名卿賢士爲之考辨乃今圭槃編六州封爵越五等雲嵐衣之藏千載之下過者必式於此可以觀德矣武德貞觀諸臣一身之祀尙不能永我先王猶及被聖朝

憫師之典尙延三世非世德之盛何以得此理宗皇帝寶佑五年詔
書褒贈故臣華之曾大父母爲通侯小君訓辭曰福必有基耳其富
山之基歟歛之不盈方寸舒之則塞乎宇宙守之不間一息放之則
達乎四海蘊之於身爲德及於人爲福先生英武忠正爲德滋篤仁
施之普福流千祀大哉聖模推其基歸之於厥祖時趙公實贊書之
式告於登源家廟顧瞻其先隴而言曰富山之基誰知其止此四世
之遺遷乎國家汪令典故贈襚及三世及矣而於高祖則勲典不可
及今越國公三世俱被卹而其不可及者乃存其基殆示其積德之
所始也不有表之無以彰其德此趙公爲亭之初事今李君又從而
增飾之而名以德復故謂城趙公未畢之志而廣兩朝之思其誰

日不然復忝云遙胃而居旁邑郡從兄性實郡博士以書徵予銘予

不敢辭而系以始曰匪曷考之誰荒之嗟彼登源越公之宰木

蔚芳德之敷蕤篤生越公司馬基之德基此墟越公考之今封爾基

尚祈而匪毅來裔為民所依

是歲咸淳三年丁卯五月朔

裔孫從政郎復撰并書

裔孫禮部正奏一龍篆額

墓記

裔孫戶部尚書元錫撰

我祖齊司馬公叔舉葬績溪登源洞四世而生越國公華裳稱吳王

後奉版圖歸唐諸翁諸子皆列爵土我新安汪氏之盛實昉於此予

晨在朝尚書胡康惠公富登源人誥予曰子拜司馬公墓乎予曰未

也公曰世有賢子孫不識先墓者乎予甚慚後予以都給事中充冊封使過家取道寧國至登源敬謁墓下寺僧指墓前古株木告予曰是樹枯槁百年今漸長枝葉公族其復興乎又十年丙戌弋陽宗人翰林侍讀佃倅寧國約予同至登源比見珠木蓊𦵏然如傘蓋狀僧又曰樹益盛公族其益盛矣今念我汪氏自唐以來衣冠代不乏人以今日觀之是又一大盛機會也物與人皆地氣所產卽物以占人庸非理之常哉抑又聞司馬公初宦寓新安過臨溪奇其水沿溪而入三十里見登源之勝喟然曰此陶公牛眠也遂棄宦僑居登源里中歿葬其境曰汪村者公所居也與墓隔溪越國公兄弟旣顯仕散居四方而汪村鞠爲墟莽頽垣落瓦之中畊人時得箭鏃之類豈天

注氏宗譜 卷之五 五
地靈氣發泄已極終當秘藏耶爰述所聞與今所見記之以告后人
歲時無忘登源以來康惠公訊也

雲嵐山墓記

裔孫元錫

歙城北七里雲嵐山我祖越國公葬地也公常稱吳王歿諡忠烈王
又謚英濟王故土人猶曰王墓者從實稱也雲嵐山從大牛山而來
石龍起伏如聯珠逶迤而十餘里始至葬處茫然中窈而旁隆員墩
立其前方塘注其麓祀公有廟守墓有僧鐘鼓之音香火之供無間
朝夕墓田四十餘畝樞密院判裔孫同捐以給僧者歲久多爲土人
所侵成化間奏聞于朝克復其半宏治間太守關中彭公澤鼎新廟
貌而田見侵者予義言於太守臨江張公芹漸復之予嘗讀蘓文忠

公撰錢武穆王祠碑每爲慨嘆顧今臨安之墟錢氏之墓荒穢不治
我越國公生於武穆之前四百餘年而劔珮所藏其嚴如此嗚呼公
之功烈其盛矣

明嘉靖癸卯裔孫戶部右侍郎記

墓記

葉大有

墓在雲嵐橋唐刺史陶雅差十營都知兵馬使王行恭等築墻造
亭始建祠像宋嘉熙中鄭崇復新殿宇命葉大有文其事於碑

新安江左名郡今於京師爲近嘉熙四年鄭侯崇以天子命作守愛
民敬神覽志慨然曰昔隋季而唐未興有汪王生於新安始宅斯土
旁福宣杭睦婺饒自武德守義入典禁衛以壽終歸葬於歙迨今七

百祀州里皆立廟而其墓在雲嵐此祭法所謂有功烈者始至謁廟
致恭竭嚴朔序匪懈世美宜爵清載於朝神宇奕奕邦人俱依嗣歲
清明吏以時告侯率僚屬肅拜於邱景山感木廼植以松盛服端笏
以翼以亭思永百世之德捐萬金得墓田守以僧屬於邑尉染盛糴
薊繼可不乏維今之春侯將奏最往祀益虔大有始來佐職且俾卽
事記之竊謂神之福斯民也如此其至果何道而能爾哉通三極之
間惟一誠而不息自古生榮死哀得其位而有常祀者蓋寡矣社稷
誠於爲農天子誠於爲教故祀遍天下而萬世至若奕豹有田不能
世甘棠之思能驥遺跡雖在樵採者往焉所積易泯而所傳莫續也
汪王誠於爲民忠於體國歷世變而心嘗靈見浼爵號兼榮廟食數

千里爲近世明祀之信侯治郡之二年修舉百廢於是謹禮可謂能以誠事神者宣神介之福而時和年豐也神之德具於廟碑侯之美洋于輿頌此不書

淳佑壬寅季春旦日記

墓記

戶部侍郎裔孫元錫記

唐兵馬使道安公自歙來鎮婺源公卒葬於武口鎮背夫人吳氏後公卒葬於山松下塢去來安鎮九十五里鎮之下五六里爲江灣中平今其社尙稱汪村公有二子長曰源次日瀆世爲住宅夫人沒時必在汪村葬於山松從所便也墓自唐迄今巋然如故宣城裔孫元尙書澤民曾率族人拜掃立有石碑題曰唐兵馬使汪公夫人墓從

官稱也官道在河之北濱在河之南相距里餘又有水限之子孫過
其下者隔其下者隔溪跪拜而已今林木無存僅巨楓一株高數丈
碑倚之子孫多居饒信今之顯者如尚書俊以下皆是也次子濱仍
居故里而娶多今之顯者都御史奎以下皆是也嗚呼夫人一坏之
土寄於荒溪之濱無森列之翁仲無看守之祠宇歷數百年兒童樵
牧皆知之無敢輕犯之者古之所稱世室我汪氏其庶幾乎後之子
孫之顯者能如澤民之立碑揄美傳之無窮斯爲一宗之幸顧在人
之庸心何如耳嘉靖癸卯年記

墓畧

裔孫 觀按

公過逐鄱寇於德興之銅步偶單騎往覘虛實而賊俄出公後公拔

刀殪數人而肩項被重傷尙扶首策馬回至平樂村間村媪曰男兒
無首者能爲事乎媪曰有首者尙不能爲事况無首者乎公遂墜馬
而絕夫人與子中元還居大畷故夫人墓在大畷之東畬田也太田
寺原在烏木嶺圯不可居僧人寄居株榔木源田者之家後因夫人
捨宅爲寺而遷焉卽今之大田寺也

汪王廟考實摘節

鄂州守羅願

嘗王廟食此邦踰五百年而民愛敬之久而愈新者不惟能出雲雨
禦災癘亦由其起不失正道始終出於靜民故天下方亂則以身救
六州之民及其粗定聞真主而遂歸之事合天心爲天所相是以生
享其祚而歿食其土以能悠久然則不鬪一民不煩一旅間關自托

於唐者乃王之大節本意不可以不白也今武德誥命具存所以褒表者其語明甚而舊書本紀不著歸唐月日新犯雖於武德四年九月甲子書降至列傳杜伏威遣王雄誕來伐又不著其已受唐命反更追書稱王時事則與誥命所謂遠送欵誠者豈不相戾耶蓋雄誕來伐雖亦以此年然王送唐欵實先之所謂九月甲子者九月九日也誥命以此月二十二日下則欵之至唐與其拜封皆不出九月中而雄誕之來乃在是冬謹按資治通鑑王遣使歸唐載於九月而雄唐來伐別載於十一月則是歸唐之後已後受封拜而伏威雄誕自以私意伐之耳是時伏威之於唐末爲純臣王之歸唐也必思以忠自列恥因之以成事故籍其土地民兵遣使問道越伏威之境以歸

之天子意仗威之黨相與竊議疾王歸唐之事不出于己因襲之以
爲己功此淮陽繫已降之類初不害王之先識也若夫王之屈於仗
威雖出於不得已然後方以行臺自名而雄誕實左右之吾爲行臺
肯據出其下哉嘗試考王歸附之初高祖以大固重使見處與其一
時褒崇之語及貞觀之間典宿衛者二十餘年太宗遠代委之管鑰
非夙嘉其節而深信其心何以及此誥命所表雖漢甲令稱忠殆不
若此之明也不考諸此而云云豈不誤哉

夫人行狀及傳皆云夫人錢氏唐功臣九隴之女按錢氏當隋初己
在太原兩家方微不應涉千里而聘若王入唐始婚則王以隋開皇
六年生至武德五年三十有七矣中間稱王十餘歲亦不應未有己

偶又丞相汪公云王以六州所輿地挈八子歸諸朝天子嘉其忠封
越國公命諸子班環衛則王未入朝之先已有八子矣計錢夫人之
前容有夫人逸其姓氏者以其時考之當如是不敢憶斷也諸子名
位既大抵出於入朝一時恩命則歷及皆不當止此而王之胄嗣亦
將不止于八今自歙及杭睦間往往祀所謂汪九郎者云王之幼子
豈錢氏之出歟抑在八子之中而其羣從相與爲次第故至九歟當
以待知者

境土行狀承議汪公所作傳特爲整潔至王師正不深爲訂考如言
兵則云得數千人言地則云據郡以守方隋亡時蠶起之將不可勝
數其以姓名載於唐新書本紀之首者四十有八人王之各在十數

人之中此非小弱也功濟六州之民而心識天命所在亦豈所忽哉
資治通鑑載王據豳歙等五州有衆一萬則與行狀及記傳所書畧
相類矣唐之命王以六州蓋因其所有就界以節則所謂六州者蓋
皆嘗有之至於兵之多寡則據一時籍獻之數容有罷歸者通鑑及
新書又言王兵甲甚銳夫以銳兵而數至一萬則餘卒固不止此矣
豈若師正之云哉

廟貌汪台符記稱貞觀二十三年父老請建祠堂於廳事之西大歷
十年刺史薛邕遷於烏聊東峰元和三年刺史范文正又遷於南阜
卽今廟是也中和四年刺史吳圓克何實應復新棟宇接今烏聊之
祠相傳云邕嘗以王功德奏聞奉勅立廟然必於山者則以王初起

嘗駐兵其上故也山起州之東北而極於南所謂東峯者今人則謂之東山所謂南阜者則此山之最高處今人呼爲廟山云

謁王廟文

績溪宰蘓轍

轍以不才忝臨民社謹因舊禮拜謁祠下神仁愛民恭率神意不敢不勉神亦時節風雨驅除癘疾以佑相我治謹告

又

宋內翰林裔孫 藻

嗚呼隋失厥馭中原沸騰擾擾各字群雄競稱王起閭里幾同販僧有地千里一方所憑聞真主出矍如履水遠藉疆土附唐以興屢賜褒詔人知勸懲旣歿牖下咸思奉承廟食故壤左淵右陵歷祀五百若王始薨建入吾宋神光愈澄請雨請霽信而有徵乃進王爵彝章

並升燕及後裔日蕃歲增散處諸邑非雲則仍間顯於世如膏續燈
小子何幸守符是應身榮寵矣懼材弗勝日賴陰相宜其服膺欲走
祠下拘攣莫能爰薦菲薄實之豆登用告來者毋忘禴烝

欽依致祭祝文

總管郝思義

聖王紹統覃慶萬方烈士忠臣悉均渥澤神其歆享默贊皇圖使四
夷咸賓庇癘不作年穀屢登則豈特四民之幸惟神之祀亦將與國
咸休神之聽之毋辱君賜

改元致祭祝文

總管李賢翼

聖天子体天將時愛民事神乃正月朔旦誕布德音於多方爰命有
司偏享羣祀惟神生以忠義顯於有唐歿以其靈惠福茲土登崇祀

江且宗詩 卷之五 元形堂
典厥有自來必刺等欽承明命爰潔牲醴敬致於爾有神尙其低享
益昇宏休以貺我民以稱上意民有無疆之休神亦預有無疆報焉
謹告

告廟文

宋丞相裔孫伯彥

惟神世雄黜歎當孤隋之亂起義旅保一方伐叛益師所在浸廣人
人倚神爲命廣受禪神知天命有屬乃以六州所興地挈八子歸諸
朝天子嘉其忠不使民陷鋒鏑封越國公命諸子班環衛咸休榮祿
厥後身歿血食里社距今四百餘歲益加顯號威靈如在有感必通
子孫蕃衍昌大某布江左紳笏相耀世有顯人蓋神有功於國有德
於民積德流光所以貽厥後人者宜襄襄而未艾也伯彥實神遐裔

奮自諸生頃逢百六黨伏一族之衆翊戴真主再安神噐備位將相
視樣三弧作屏鄰壤推厥叩首繫神之休比以丐閑得請持節鉞過
家道出祠下慨念遺流餘葉憑籍扶持詎敢忘所自出耶於乎萬物
本乎天人本乎祖報本返始不敢不告神之聽之其永孚於休

加封告廟文

徽州守呂廣問

廣問分郡國虎符粵視事之三日天子有休命曰王昔以義旅保有
一方恩甚寵今其廟於鄉土陰相予民懿績彌白是宜膺錫予之額
號其侈王之封曰信順茲惟剛辰敢不奔走低告祠下嗚呼休哉廣
問聞其靈赫者其著遠其施厚者其報隆惟王陰功逮百世久而益
茂於今以大吾天子之褒宗有自來矣廣問方茲官守實與邦民惟

神之慶尙鑒茲哉

登婺源廟文

裔孫奉使

廣洋

維王障山之英駮水之靈生爲人豪傑歿爲神明保障六州不爲己
榮識機慕化克全民生廟祀邈綿足以表其忠烈之盛子孫千億足
以彰其惠愛之誠回視當時如世充建德輩不知天命困猶力爭殘
民毒衆卒爲頑宜飄風遊塵徒汗汗青昔王生存嘗以殄寇道出星
源邑人晉像千載猶傳則夫一時六郡之內蒙其福澤者又豈可各
言也哉王克恭欽承朝命來鎮於茲撫軍字民匪神曷依汪廣洋世
遷高郵奉命出使水木本源敢忘所自惟王誕辰實在茲日虔率官
僚卽祀廟宅箔奠斯陳神其來格

尙書汪淑志字澤民會鱗溪環珠諸友祭王於大田寺文

維至正十一年歲次辛卯十二月丙子朔越五日裔孫澤民等敢昭告於昭忠廣仁武烈顯靈王輔順協德昭忠聖妃而下先靈迺言曰時展省所以保邱墓會宗族所以隆孝友人本乎祖而此或忘人道虧矣澤民等夙夜於心追思懇懇伏惟由忠烈以來我兵馬使實婺源始環珠使君銀青光祿端公爲同母兄松柏密邇譜牒詳明雖宣常徽饒分流旁郡而同源一本罔間疎戚矣茲卜良辰率我同姓今以清齋潔牲祗薦祠下尙冀神靈來格來享慶流百世益蕃益昌凡我宗允永永無怠尙享

慶壽祝文

裔孫宋貢元 節

維皇宋咸淳辛未正月乙丑朔越十有八日辛巳裔孫節謹以承一
清酌之奠昭告於顯祖英烈王而言曰古者民依於吏今也民依於
神古者長吏廉勤政不虎虐賦不蛇貪雖遇水旱凶歉而上下相保
以安今之吏政剥膚及髓腴民日甚豈存古十一之制哉若非神之
靈福之真冥則加之以札瘥之灾苦之以旱荒之害民不聊生又將
若何惟吾顯祖功顯隋唐其福民者素矣自今以往時雨時暘而民
無水旱之虞文恬武熙民而無兵革之擾出里相安而民無爭鬪之
患鬱攸寢伏而民無叫號之勞則吏雖殘於上而民賴神之賜尙可
以偷安也福惠豈止於後裔哉謹瀝酒而告曰鱸山蒼蒼鱸水洋洋
後裔其昌於王有光文以文遂武以武揚再瀝酒而告曰水無洪濤

損田畝旱無驕陽敗禾稼秋風離離我禾穠稌三漑酒而告曰長
幼幼出入相友無戕無害眉龐而壽惟神之靈伏惟尙饗

謝雨文

徽州太守錢預

齊景公時旱卜者請以人祠乃雨景公曰凡吾所以求雨者爲吾民
也必欲以人祀吾將自當之言未卒而天大雨君子以爲有德於天
而惠於民也徽州民貧賦重地狹田高雖竭力耕鋤位獲秋成僅了
門戶天若不雨害於田疇其不仁有甚於殺而祠者豫將身其咎以
祈千里之澤神其鑒之念郡太守所以求雨爲吾民之意毋貌焉不
吾聽也三日之霖可拱而竢春秋書一月不勤雨也書一時不雨閔
雨也書六月雨喜雨也徽自六月以來時雨稍愆民以旱告豫忝郡

守惓惓勤閔之心憑依顯祀用徼福於神不俟終日大霖甘澤應答
之符速如影嚮田野沾足郡人懽呼嘻雨也三日之霖亦優渥矣敢
忘報謝

又

裔孫沈

沈爲吏於此今三年矣然旱歲亦有之惟今秋之旱其害爲甚民不
得不憂死不得不惧也吏之治民一切從事於謹繩墨督賦而已內
無私於已外無私於物果陰積罪戾敢上以言罔神顧禱於神而求
澤於民其誠心殆可見矣傳曰非人實親惟德是依自夏涉秋久愆
甘澤吏之憂民莫知所惜沈以自禱於神曰吏或有罪願神誅之吏
苟無罪願神聽之以救民旱翊日雨果大作圳澮通流苗禾勃興野

夫田老交口相慶謂神之賜也夫神之感應如此非特救民之旱盖亦表吏之罪矣神之有靈能表吏之無罪民而有之其可負吏乎民或負吏是亦負神

謝過自劾文

狀元表 甫

甫學自孔堂者亂神不語之戒敬神而遠之章服膺已久抗志尤剛所過祠廟未嘗招一辨所遇神怪未嘗媚一觸蓋甫胷中之所見素定不以禍福利害而存亡也乃者六月不雨農亦勞止吏民彙請曰盍虔祈於忠顯賴神聽其孔邇甫應之以爲雨暘悉出於彼蒼神安得貪天而掠美已而旱旣太甚勢弗容已疆疇之焦枯滿目閭閻之愁嘆盈耳吏民有泣訴者曰此而不祈歲事去矣甫於是以心香潔

爐香以智燭秉跋燭躬謁爾忠顯之神肅恭而爲吾農祝約三日以爲期願得溥沾於霖霖若過期而不雨不但守負愧於吾農而血食者亦有覲於面目果而神轉通丹悵意亟回於蒼穹掩月鑑兮雲幙霰霰掣電火兮雷鼓夔々歸未抵于燕寢滴已溢於馬駿擊毋俟於甕蛇驅何煩於湫龍昔聞隨車而致雨今滿車載雨而沖灑三夙宵而未霽威肆發於靈窿或曰此神之震怒也咎守臣請霖之不旱甫則謂守以此驗神功之靈神亦以此示化工之巧轉矚西郊之有秋方早更冀於堅好黃童日叟以歡呼鼓腹相期於一飽信夫雨以喜書年以大有書疇非功于神造抑甫又謂神能變凶荒爲豐穰守敢不改慢易爲敬信爰謝過而悔旱臯乃爲文以自儆傾芳醕兮酌三

行設肥脂羅九飭顧何足以酬神之貺而亦始以溷神之聽甫將蝼
神像而龕奉之晨香夕炬而致敬若乃亂神不語敬神而遠謹遠當
施之於泛泛淫祀誰敢以是爲忠顯病幸明神其終惠庶永臻於福
慶

祈謝晴文

丞相洪 适

麥秋久雨不止則穉卧而損其收也蚕簇矣日不出則蛾將飛而蠶
無以暴也歉歲之后俟蠶變以抆而紅女徒勞將無絲可賀也二者
垂成神不終惠何以彰廟食之靈也吏聞惟暝可罰則罰而民不可
以不界矜也以兩害蠶穀乃甲寅遲明奔走乞晴登車之始雨足未
斷謁祠而返人已徹蓋不旋踵清風起於東北掃除重陰化蒸溽而

清涼青天白日衆所瞻仰吏則不德何以感召惟神有大威靈日暘而暘如反覆手卮酒麩肉何足拜貺

病愈謝文

眉山蘓轍

神有功於斯民世享廟祀轍來長是邑卽神靈祐蒙神之休雨暘以時稼穡大熟賦役畢具獄訟襄少才短政拙何以獲此意由僥倖以致疫癘寒熱爲虐下逮兒女更相播染卧者過年半迄茲痊損自夏及秋中間禱禳神不厭賣率保康義皆神之思茲用恭致箔禮以謝不敏敢告驅除瘴癘時廬風雨使民不告病而吏與衆祝

獲虎謝文

司農丞劉炳

猛虎爲害守實憂之然猶得以寬其憂者賴有爾神在焉守齋明精

禱惟神怙憑神之聽之卽如陰相越三日祈之里正以果以猛
且云其種類悉亡遠遁矣守非彼由暴虎之才又元馮婦搏虎之勇
其所以輓而入檻者非神乎其所以驅而渡河者非神乎樽酒爐香
守不得不爲爾明神謝也

題富山廟

蕪 轍

石門南出眾山巔沃壤清溪自一川老令舊諳田舍樂春耕正及雨

晴可憐 雖遠終無補早向 未幾 有年歸告仇梅省文字麥苗含

穠欲蠶眠

又

御史李 遇

穿雲荷棟上雲巔帶雨呼牛渡曉川一抹荒城孤隴外數聲啼鳥落

花天靈旗來下今無恙社酒相傳古有年但得時和少公事一簾畫
景枕晝眠

又

鄂州守羅願

孤隋顛覆僅綿延亂極神堯未去前堅保里閭姑待定遽歸圖籍信
知權寵褒尙喜綸書在踈舛難憑簡牒傳考實辨疑書素壁九原遺
憤爲公宣

鄉進士胡炳文

蚪鬚人出鹿歸唐多少英雄失故鄉昔日六州曾捲土此邦千載尙
尊王高郊夜雨鳴弓劔原廟春風潔豆觴燈火萬家元夕後誰悲孤

兔滿連昌

又

鄭玉

隨皇失道起英才唐業將成捲玉來
萬里山河深雨露千香火壯樓
台金爐春暖煙疑霧紫陌風高鼓轉雷
此日荒城經百載英雄不見
使人哀

又

丙翰程敏政

聞說真人起晉陽六州圖籍使歸唐
干戈竟免羣生難簪笏宣傳百
世芳封誥尙存顯越國史書全失絕
吳王叢祠香火千年盛知是英
雄奕故鄉

又

教授何垣

煬帝南遊鼎始遷羣雄蠡起竟相樅
九州魚肉千門淚六郡雞豚萬

井烟天啟唐家新日月地封越國舊山川
霸圖王佐都休問試問靈祠今幾年

又

趙孟隆

錦曳隋帆駕達風英雄崛起大江來
蜚聲始振塵猶暗燭火終潛日已紅
連歛六州全保障歸唐一表秉精忠
王侯父子皆榮寵廟食無疆天地同

又

裔孫 獻

嶸絕烏聊廟貌嚴松楸偃蹇色參天
洋洋寶篆風雲會炳炳丹衷日月懸
六郡山川神武在千年劍珮子孫傳
道逢野老遙相問誰憶昭陵鎖墓烟

又

胡忠立

廟占烏聊第一岡琉璃宮殿擁神光綸封八字三台秩旌表一門百

世芳石匣舊留唐代誥今爐榮降歙州香王靈永作黷黎福薰炷酬

恩日月長

行部過歙拜廟

運使朱彥

公昔生人傑青虬或負床策謀真可伯歷數竟歸唐忠義懷永雪威

梭仗虎狼九州經戰伐六郡自耕桑勲業推前日褒崇只故鄉歲歲

喧鼓吹廟食峻宮墻宋國山河大堯天日月長有功誰不錄遺爰自

難忘玉塚圭溫潤鸞封誥寵光雖云江國遠不異日凡旁聖主憂民

切平時欲歲穰公靈長在此容易再封王

題嵐山祠

胡立忠

山族雲嵐更出奇
英魂義魄聳僉聞
蛇憑高塚巢難廢
像現崇祠蠟
敢焚叛卒拋戈風
瞋目過軍驚鼓月
黃昏精忠競說今
如在匹馬層
霄策異勲

又

裔孫 堅

雲嵐深處先王墓
祀典初行感慨多
一氣兒孫彌宇宙
六州事業滿
山河荒邱隱隱連
成辨古廟沉沉樹
作窩回首西風凝
塑久萬年香
火重鳴呵

又

方 四

城北雲嵐七里橋
城南仙隴對花飄
六州納土歸唐室
八字封王歷

宋朝鶴馭降神瞻碧落蝸居卜吉傍烏耶金書朱榜標忠烈萬古吳

山日兩潮

題登源

山長唐元孫

山如介冑水鳴絃古廟堂堂樹拂天一點霸心明夜月千齡英氣集
爐烟欲將汪譜茅茨問猶喜唐封拜軸傳多少遺民歌且舞類分甘

雨過平田

題登源綠照亭

侍郎朱大同

登源洞裏石如屋綠照亭前水作湖溪聲遶座經風雨山色圍欄供
畫圖身世幾時歸渭谷林泉何處下蓬壺高明晝日追遊樂莫厭沾
衣雨載途

又

綠照亭前景物都向人何用說西湖雨餘春樹翠如染雲盡晚山青

可圖近水有窓先得月憑欄無客不攜壺莫辭爛醉扶歸去王道而

今似坦途

又

丙翰程敏政

千載吳王此舊都登源流水綠成湖斷碑立隴收雲氣長劔風塵憶

壯圖山隔遊亭開綠照雲封仙洞似蓬壺聯鑣英俊來應慣路轉峯

回不問途

山 題休寧古城廟

裔孫 澤民

煬帝南遊四海兵石門憑險待時平至今萬歲山頭廟猶有居民說

古城

烏聊山登覽

方虛谷

香火雄三廟樓台觀一州遊川無晝夜喬木自春秋竇民原歸洛番
君卒佐劉蘭亭復行世簫鼓歲推牛

題塵嶺廟

裔孫藻

臺殿巍巍寇塚巔行人詭起白雲邊山河江業三千里歌舞靈衣五
百年鐵馬威神通異域襄龍書命降中天偃王遺種班班在好乞韓
碑記邈傳

賡前韻二首

鄂州守羅願

有美英姿白馬顛據鞍曾向此山邊解全生聚勾吳壤與戴昇平貞

觀年極貴終身仍食土救民一念想同天稱忠賴有王言在千古當
同申令傳

老人昔抗社回顛萬騎如風尙畧邊炯炯霸心存異代巍巍王禮象
當年神龍到處雲行雨唳鶴聞時陣蔽天存歿分明皆可紀一時唐

史用疑傳

題勸忠樓

績溪宰崔鷗

聞說驪龍睡九淵覺來頭角去升天官封越國三千戶血食新安五
百年錦軸尙標唐歲月彩樓重見宋山川收藏石匣非無意留與江
南野史傳

題梳洗閣

王元善

寢殿巍峩端正門當年梳洗動宸恩雲仙花萼俱塵土傑閣流丹萬古存

題齋心亭

簞瓢陋巷樂心齋此景齋心山氣佳一敬之天誠不二悠然對越寫襟懷

題承明亭

昭昭在上本無私體物時行悉不遺神鑑豈容欺暗室有爲誰謂自人知

題依德亭

水遠爲隍山四圍雲開宮殿翼翬飛胙蹄甌祝無虛日黍稷非馨德



是休

題翠微亭

侍制鄭玉

翠微亭北倚欄杆，縹緲風烟一望間。
附郭漁家各近水，隔江禪寺半依山。
地靈千載存香火，人到於今尊聖顏。
春殿曉開簾欲捲，已多金甲立朝班。

又

吳昇

烏聊山接白雲浮，祠殿巍峩冠上頭。
七百年來聲赫奕，萬千里外澤同流。
潛消災患民無瘼，坐致豐穰歲有秋。
盡把舛訛釐正了，從今永不作神羞。

誥字

納欵歸大唐寵頌五花誥克盡臣子心大節全忠孝雖負英雄姿未
敢稱徽號六郡樂雍恬九州祛殘暴深仁民所融穹爵天所報至今
遺荒陵山水尙環抱

上銀青公墓

裔孫 以盾

寧知四百餘年墓荆棘胡爲不自埋犯令真須臾侍妾勤奸未遂恨
終身子孫繼世芳邇遠忠孝名家久益新秋雨瀟瀟出寺靜雙墳並
峙瞰嶙峋

次韻

裔孫 澤民

棠梨花發殯宮春歲久無人草自埋碑歿尙遺行客淚劍沉空憶花
龍身溪蘋薦廟還如舊麥飯洒陵今又新千載還珠君伯仲松楸隱

映舊嶙峋

亡酉歲八月十八日謁墓有感而賦

裔孫 獻為

樹色暄古寺一徑通僧房我祖銀青公墳墓此山岡李唐巢肆克虐

燄焦隣疆桓桓奮忠烈茲民得安康垂統宜有述千載流餘芳至今

三浯祠春秋肅蒸嘗子孫固繁碩道遠心靡忘塋前剪荆棘松竹鬱

蒼蒼再拜尙遐思慘若悲中腸壯志百戰餘貞心星日光身疲民則

完高城列垂楊春令原上鳴鴻鴈雲中翔豈謂黍厥祖遊魂在何方

日暮涼風生棲遲以彷徨

行狀

司業婺源胡 仲撰

公姓汪氏諱華新安人其先魯成公支子食采於汪因氏焉哀公時

童錡其孫也漢建平安中龍驤將軍文和爲會稽令避地始家新安
公會祖泰祖勲明父僧瑩皆仕于陳母歛西鄭氏夢黃衣年少長丈
餘擁五雲自天而下因與之遇覺而有孕陳至德四年正月十八日
夜半子時乃生香霧覆室三日始散公幼穎慧所居上常有竒氣早
孤家貧母挈歸外氏母亦尋卒九歲爲舅牧牛每出嘗踞坐磐石氣
使郡兒如將帥指麾狀兒有張士損者嘗以失期不至公擊踣之郡
兒各駭散張氏欲執之公曰此易耳吾能使之死獨不能使之生乎
因撫視之良久復甦嘗今羈兒曰處山澤間卒遇風雨無所庇盍相
刈茆營屋旣又令日勉之屋哉吾且摧牛以犒若等卒取舅牛分食
之牛尾挿地旣歸舅問牛所在對己入地矣舅視牛尾在地中似不

可報素異之亦不深詰及長身長九尺廣額方頤龐眉隆準美鬚髯
不事田業獨喜晝卧舅母苦之伺間抽去其簣公復寢如初怪而視
之若有青龍蹲負由是鄉里驚嘆舅家不敢容公因落魄放縱聞睦
州有演公者習武事往從之遊時年十八公還以勇俠聞屬婺源寇
起州遣押衙董平討之戰不利郡將張公募土豪有膽畧者禦之公
走應募卽日部兵上道直抵賊營而賊遠望山林草木皆爲甲兵寇
驚相謂曰郡兵盛如此天亡我也因稍稍引退公進擊滅之張公郊
勞賜補有差隋大業間王政不綱豪傑並起各建號郡邑公慨然曰
世變如此吾死矣革無憾如百姓何時杜伏威起江淮張公欲與相
應心獨忌公乃遣如箬嶺鑿山開道欲因事誅之公與裨將汪天瑤

領兵開拓不日而畢比還不加禮更効以差役不均稍侵之公怒將
士突入府闔欲兵之張公懼而遁去人人盡譟謂於公曰張公貪而
酷賞罰不公方時稷攘何特一守今幸已逐而境內無所統天子南
幸江都盜賊擁隔詔令不至欲求攝刺史以鎮一方非公不可宜從
衆賊平請命於朝未晚也公不得已從焉宣州守聞之將遣兵來問
公分部諸屯自以精兵八百人先馳入宣境至溪方半渡馬躍鞭墜
遣卒取之不時得公怒拔劍斬之尸立水中不仆而立人皆異之目
爲東靈神進至塵嶺駐軍其上時大暑士馬渴甚公仰天祝曰事若
濟是地當湧水乃以戈蹲鏡石得泉脉因加鑿治今行旅便之未至
宣城三十里城中遣將陳羅明來戰羅明敗走公往擊斬之寧國岡

上宣守面縛請降公釋不問因撫定其民收其精銳以歸旣而杭睦
婺饒等州相繼而下公奄有六州帶甲十萬威譽益隆諸將謂公曰
今中原紛亂大衆已集若但以勅使統軍之號臨之恐復无解天與
不取古人所戒公宜建王號公辭至於再三乃齋戒擇日建吳國稱
王以天瑤爲右相鐵佛爲左相皆公族也其他鄉佐將校並有常員
擇賢且能者處之然奉隋正朔不廢爲政嚴肅賞罰明信遠近莫不
愛慕雖四方大擾部內賴以平安者十餘年唐高祖起太原已受隋
禪而秦王師江左公謂群下曰日月出矣而燭火不熄可乎頃吾夜
見天象災感正侵太白太白西方於音爲商吾姓商音也災異旣形
吾計決矣武德四年九月甲子乃籍土地民兵遣宣城長史鐵佛奉

表於唐高祖嘉之。是月二十二日詔曰：其官某往，因離亂保據州鄉，鎮靜一隅，以待寧宴。識扒慕化，遠送欵誠，宜從褒寵。授以方牧，可使持節總管宣歙抗睦婺饒等六州諸軍事，歙州刺史，封越國公，食邑三千戶。時社仗威據丹陽，自稱行臺。十一月，命王雄誕以饒洪兵萬餘入來，侵公。遣天瑤等擊之。天瑤作鐵盾一百二十斤，左執之以衝敵，仗威軍大敗，死者過半天。瑤與八拾人追之，賊還軍合戰。天瑤勢戚，因奮勢越巨石，所踐成跡。賊軍驚異，乃退郡境。以寧及社仗威入朝，其長史輔公祐奪王雄誕兵，以版僞建位號。公引兵討之，旗幟蔽江而下。公佑俱退保武康。丹陽遂平。公振旅還，令兵民各復其業。明年遂朝京師。貞觀二年，授左衛白渠府統軍。十七年，改忠武將軍。行

右衛積福府拆衝都尉太宗伐遼東詔爲九宮留守公夙夜盡瘁事
無所乏駕還尤稱其勤二十三年三月三日薨於長安享年六十有
四公初疾上嘗勞問賜醫藥及薨賜親采十床黃金百兩及東園秘
器恩禮如功臣永徽三年諸子以公喪還四年十月二十六日葬歛
北七里雲嵐山公娶錢氏唐左衛大將軍巢國公九隴女子男九建
郎州都督府法曹娶黃氏璨費州涪州令娶朱氏達以征賀魯龜茲
高昌功襲封上柱國越國公娶葛氏廣娶陸氏遜娶金氏皆左衛勳
府飛騎尉達薛王府戶曹娶王氏爽岐王府法曹娶閔氏俊鄭王府
叅軍娶羅氏獻娶韋氏八子諸孫皆仕於朝率以忠勤世其家先是
公名世華後避太宗諱去上字王初起兵未獲立城之所乃引弓遠

射矢所墜適當形勢遂城之今績溪縣登源是也後人因以立廟廟
北溝塹營壘存焉故宅距廟纔一水鄉人不忍藝鋤其處子孫環居
之目曰汪村而郡人自王入廟思其恩德卽爲立生祠於刺史廳西
役益嚴奉水旱必禱大歷十年刺史薛邕始遷於烏聊山今廟是也
自唐刺史薛邕范傳正吳圖陶雅之屬皆有增輯章聖東封始載國
朝祀典其後褒爵益崇事具有司獨取公所起始末傳後世謹狀

國朝頒給榜文

皇帝聖旨江南等處行中書省詔得徽州土主汪王福佑一方載諸
祀典本省大軍克復城池神兵助順累著威靈厥功顯赫理宜崇敬
除已恭迎神主於天興翼祠祀外據祖廟殿庭省府合行出榜曉諭

海山志 卷之五 元承堂
禁約諸色頭目官軍人等毋得於內安歇損壞屋宇砍伐樹木拴繫
馬疋牧養牲畜非理作踐以致褻瀆神明如有似此違犯之人許諸
人陳告痛行斷罪仍責倍賞所有榜文須議出給者

洪武四年七月日

知州方虞部表請追封得旨封靈惠公申狀

朝請大夫行尙書員外郎虞部郎知徽州軍州事兼營內勸農事輕
騎都尉借紫臣方演右臣當州在城越國公汪王神者其先郡人也
姓汪氏各華當隋喪亂據守州城保全生衆自號爲吳王暨李唐有
天下於武德四年納款於高祖因特受恩賞故其制之門下汪華往
因離亂保據州鄉鎮靜一隅以待寧安識機慕化遠送款誠宜從褒

寵授以方牧可使持節總管歙宣抗睦婺饒六州諸軍事歙州刺史
上柱國封越國公食邑三千戶又至貞觀二年授左衛白渠府統軍
其制之前歙州都督汪華等或久經任使或夙著欵誠並宜忝掌禁
兵委之戎旅可依前授者及其卒也郡人思其德大啓廟貌以時祭
享自此郡有水旱則祀之民有疾癘則祀之鮮有不獲其靈應焉所
以自武寧迄乎聖朝歷三數百年民到於今稱之豈不盛哉臣因念
唐高祖太宗功臣良將可謂多矣至於享廟食烜赫靈者則罕見其
比加以本廟收藏武德貞觀中告秩二道至今猶存豈飛素有令德
福及生民所致也歟伏覩封禪大赦節文忠臣烈士皆令精潔致祭
又赦書有未盡者許分拆奏聞其越國公汪王神伏乞皇帝陛下聖

造時降聖澤別賜追贈所貴勸天下忠義之士慰一邦依賴之心臣
生爲歎人幼覩其異幸因東封大禮輒敢聞天臣亢任俯伏待罪兢
惶激切之至其宦誥一通今錄白謹具狀繳連奏呈伏俟勅旨大中
祥符二年二月五日具宦臣方演狀奏

知州呂待制陳請加封得旨加信順申狀

轉運司准省符加封信順牒 准行在尙書吏部符准都省批下隆

興二年閏十一月二十一日勅中書門下省送到禮部狀准都省東
江南路轉運司奏本司先據徽州申據耆老鄧奕等狀伏覩本州顯
靈英濟王時綠隋末寇盜蠡起王自田畝聚集義兵捍守鄉邦保念
居民均獲無虞宣和二年間睦寇方臘竊發蒙朝廷遣發大兵到州

收捕是時以陰功助護獲寇一方寧靜至宣和四年封上件恩爵凡
遇旱暵諸詞祈禱益獲感應昨國統制等人馬駐劄本州水西太平
興國寺有部隊軍兵意欲潛圖不軌以火爲應英濟王托夢統制官
朱宣費領兵收捕斬其首惡及紹興初張琪帶領潰兵幾十餘萬亦
欲焚劫夜夢神人白衣身長數丈鬚髯森然告諭琪曰來早速行不
然禍及琪拂旦入廟焚香瞻禮神象宛然如昨夢悔過謝罪不敢爲
非兼去歲瘟疫遍遠鄰郡本州軍民恬然康樂委實有德及民事蹟
顯著乞申奏再行加封本司尋委右修職郎宣州旌德縣主簿李浣
前去體究得並是實蹟保明是實本司再委右廸功郎池州青陽縣
主簿喬黨覆行按實得委是有功于民靈蹟顯著本司保明是實送

禮部本都尋行下太常寺勘會今來江南東路轉運司保奏到徽州忠顯廟顯靈英濟王祈禱靈應乞行加封依建炎三年五月六日指揮合增二字作六字王今欲擬信順顯靈英濟王本部今欲太常寺所申事理施行伏候指揮閏十一月十五日奉聖旨依禮部所申

隆興二年閏十一月二十一日具官臣品廣問狀奏

知州郝奉議陳請加封得旨加封廣惠申狀

轉運司准省符加封廣惠牒 准行在尙書吏部符准都督批下乾

道四年三月二十日勅中書門下省尙書省迭到禮部狀准都督付

下江南來路轉運司奏據徽州申據祁門縣申士庶程指南等狀伏

見本邑忠顯廟信順顯靈英濟王忠義之節顯著於唐禦菑捍患有

功於民不可槩舉。廟額封爵累賜於本朝。凡邑之水旱疾疫。有禱必應。又於紹興二十三年。乾道二年。鄰邑疾疫大作。罹其舊害者不可勝數。邑人相與祈安於王。遂荷其陰相。疾疫不作。民無夭折。其福惠於民彰著如此。乞備申敷奏。加封州司保明。是實本司遂牒饒州委浮梁縣丞戚竚躬親前去體究。得委有前項靈蹟顯著。保明是實。本司再委寧國府太平縣朱克俊覆行案實。得信順顯靈英濟王。委有逐項靈績響應。惠及私本司保明。詣實本部。尋行下太常寺勘會。去後。據本寺申勘會。今來江南東路轉運司保奏到。徽州祈門縣忠顯廟聖順顯靈英濟王祈禱靈應。乞加封。依建炎三年正月六日已降指運合增加二字作八字。王今欲擬信順顯靈英濟廣惠王本部。今

汪氏宗譜 卷之五 元月堂
欲依太常寺申到事理施行伏俟指揮三月十五日奉聖旨依禮部所申 乾道四年三月十五日具官臣郝思義狀奏

績溪知縣陳乞改封得旨改昭應申狀



轉運司准省符改封昭應牒 行在尚書禮部承嘉定四年八月二

十日 勅中書門下省尚書省送到禮部狀准 都省批下江南東

路轉運司狀奏照得本司先據徽州申備據歙縣申據營下士庶耆

老汪大猷等狀切見本州有勅賜忠顯廟信順顯靈英濟廣惠王惟

王忠烈之節顯於唐代靈跡之異著於本朝禦菑捍患有功德於民

不可勝舉凡郡有水旱民有疾疫祈禱必應累蒙朝廷賜廟額封王

之父母妻并九子婦獨王祖諱勲明并祖妣二弟世英世榮未曾賜

封本册嘉定二年六月以來早已大甚田畝龜升禾稼枯稿知郡朝
散郎趙希遠集宦僚躬詣管屬雲嵐山王之墓廟迎諸王像歸州祈
求并耆老士庶禱於神前如獲嘉應具述靈跡乞別褒美異號卽於
六月二十五日至七月初二日連獲甘雨田畝沾足七月二十六日
又因缺雨知郡朝散郎趙希遠親詣王墓祈禱果蒙感格次日大雨
霧霈中晚之禾勃然而興秋成有望功德及民乞將神廟別行褒異
換賜王號美名數字并追封王祖考妣二弟施行本縣照得信順顯
靈英濟廣惠王近蒙本州祈禱雨澤果獲感應委有靈異事蹟一州
蒙惠甚廣功績顯著保明申州乞備申轉運司奏朝廷照依張王例
汪王封號上別行褒異換錫美名數字仍將王祖考妣二弟加封以

昭嘉應下副民望本州照得當年四月二十三日知郡朝散郎趙希遠到任之初爲見管下田禾插種兩澤愆期卽集合郡官僚詣本州廣惠王廟祈禱隨卽感應至五月內飛蝗入境不可勝數再詣王廟祈禱則蝗蟲盡已殄滅又自六月以來乾旱民請皇皇宦屬遍詣祠廟祈禱雖獲感應未能沾足於六月八日專委歙縣知縣胡綰賫香恭詣神墓近請王像赴州妥奉祈禱繼卽陰雲四合霽霈流通高低之田秋成有望隨卽致謝訖本州據歙縣申述保明是實申本司乞施行本司牒准令諸道釋神祠禱靈應謂功跡顯著惠利及民載於祀典者宜加官爵封號廟額者州具事狀申轉運司驗實保奏并准續降指揮今設神祠遇有靈應本州保明申本路運司行下鄰州委

官究實委有功于民事蹟顯著卽再委不并碍官覆行按實方許保
奏續准淳熙三年正月二十三日指揮今後州縣祈禱神祠若止是
泛常應驗難以便行陳乞封賜須功跡顯著惠利及人方得具實行
奏本司尋遵照前項已降指揮備牒鄰州寧國府初委從政郎國縣
丞丁昌朝躬親前去地頭審究覆實忠顯廟廣惠王靈應委是有功
於民事蹟顯著保明具申本司續次再牒廣德軍差委不干碍官前
去覆行按實具狀保明供申去後今據廣德軍尋差委本軍司戶叅
軍莫壽詣廟關集耆老汪大猷等覆實得委有前項靈蹟保明申軍
申本司施行本司今保明詣實伏俟勅旨後批送部看當申尙書省
尋行下太常看當去後據太常寺申檢准建炎二年正月六日已降

指揮節文神祠有靈蹟感應卽先賜額加封詹以次封王每加二字至八字止并淳熙十四年六月十九日己降指揮節文今後神祠祈禱應驗令諸路轉運司依條保奏取旨加封徽州忠顯廟信順顯靈英濟廣惠王乞照張王例行褒異換錫美名本寺照得昨來廣德軍張王係具申朝廷得旨許改封本部於八字王號將靈濟字擬威德字了當今來徽州忠顯廟信順顯靈英濟廣惠王所乞換錫美名今看當狀乞省部備申朝廷候批全狀下日從本寺照例改擬二字施行本部今看當欲從太常寺看當到事理伏乞朝廷指揮施行伏候指揮後批送部從看當到事理施行本部尋行下太常寺蒙今去後今據本寺申合從前項都省批狀指揮于信順顯靈英濟廣惠王號

內改擬二字美號今欲擬昭應顯靈英濟廣惠王合命詞給告狀乞
申省部備申朝廷取旨加封施行申部本部今欲從太常寺所申事
理伏乞朝廷指揮施行伏候指揮八月二十日奉聖旨依禮部所申
到事理施行奉勅如右牒到奉行前批八月二十八日辰時付禮部
施行仍關合屬去處須至日付下江南東路轉運司主者俟到遵從
勅命指揮施行仍關合屬去處符到奉行嘉定四年九月 日具官
臣奏狀


信字號

海山家譜

卷之三

三

海山家譜



Faint, mostly illegible vertical text columns, possibly bleed-through from the reverse side of the page.

